

葦葭里館詩

己未秋日孝脣

蒹葭里館詩卷三

過濟南喜晤柳屏壬子

仁和吳用威董卿



不到明湖漫十年
鱗鱗雲水尙澄鮮
故人握手兼啼笑
世事鐫心有棄捐
起舞龍蛇交大陸
和鳴鸞鳳夢鈞天
王郎憂瘁林生死
義門晚翠青眼高歌仗汝賢

天津呈召南先生

天風送長雲
萬里一回旋
南征暨吳楚
北眺盡幽燕
颺霖夾飛轂
當暑意泠然
排闥見君子
那知桑海遷
大化自推移
微生餘涕漣
花枝照酒盞
清吹激哀絃
青春忽已逝
歡

場非昔年明當拂衣去嘉會惜離筵欲致一寸心心苦意
難宣採蕨不盈匊行吟空自賢

抱存齋中與彤士立之地山壑威刻燭聯吟極談讌
之樂別後賦寄三首

抱膝孤吟睨萬流荒荒海氣撲簾秋欲矜好句愁天近負
爾寒雲百尺樓

周妻何肉一癡狂更對元方憶季方拋卻江南舊鷗鷺
香吹夢話滄桑

南院牆東夢已陳頭銜老去署詩人吳儂合住湖山曲歸
買娉婷作好春

爲彥雲題娟鏡樓圖三首

寫翠傳紅事寂寥意中鸞影尙魂銷人天萬劫風花過好
結雲窩護阿嬌

老去風懷奈若何鑄金小字託微波恒河鬢影蒼涼甚笑
指新霜問素娥

遼鶴歸來畫不神藏山袞碧語酸辛開筓一片江南影怕
見眉樓十樣春

和抱存韻

前身合是陶彭澤後世誰知揚子雲求艾三年真夢夢推
枰餘子任紛紛琴心到海成孤往詩陣彌天有戰氛一擲

風沙惜身手故人新草北山文

爲孫師鄭題其先德訥夫先生畫冊癸丑

繡裏檀熏不當春蓬巒親見海揚塵山川徼外非吾土風
雨人間見一鱗尙喜清芬能世守莫愁妙畫欲通神仇池
雪浪銷沉久輸與江南半幅新

九日與客飲東湖酒樓

側帽看山此一時黃花羞與故人期笙歌漸憶承平日菡
萏猶開最晚枝捉臥甕人聊作達敢題糕字便能奇干戈
定後瘡痍見淒絕東湖柳萬絲

重過舊糧儲署愴然有作

猶是朱藤蔭碧池孤兒卅載鬢成絲憂天欲墜身寧壓隔
世相看夢豈知豔落芙蓉迷舊影劫回桃李換新枝窺牆
山色青如昨剩倚危闌一解眉

題童陞新行看子四首

荒江風雪深老此垂竿手應有羨魚人寒宵遲沽酒
擔雲下西嶺踏月還南岡但聽歌聲遠那知歸路長
叱犢東皋東布穀啼春雨陽羨故自佳買田君記取
琴尾拂餘焦劍光蝕殘碧先生方遠游寥天憺將夕

題歐陽文忠公畫像卷子甲寅

紫袍玉帶眞天人滌陽一醉經千春洛春堂上昔瞻拜回

首已隔蓬萊塵滄桑滿眼世變亟政論歧出唯憂貧與人
家國事豈易不曉世務徒紛綸况乃六經未成誦撫拾異
說爭搖脣熙寧往事可痛哭廟堂日夜言刀緝均輸水利
飾經術三司條例頒行新白首忍謗謝官去衆正盡矣誰
披鱗文章膏馥溉百世幾輩巨眼窺其真追韓躡柳目論
耳試絜史才無與倫江城三月擁裘坐寒勒牡丹紅未勻
披圖弈弈見毛髮斷楮殘煤如有神松禪題詩歲在寅憂
端若決難爲堙是時海宇正清晏無病髣髴聞吟呻回黃
轉綠不二紀吾輩豈料逢茲辰祗今百事不可說有酒得
醉休辭頻東湖水滿酒船穩爛醉不醒公莫瞋



不

誦伯嚴還山省墓諸作卻和
三年海市藏名姓七日靖廬弔影形誓墓早承泉下志哦
詩空乞草堂靈安山風雨搖殘櫂袖手乾坤賸獨醒一事
祝君兼卜世年年歸看萬松青
伯嚴次前韻見酬疊和奉東
蒼舊幡幡見典型郊囚島佛兩忘形亂餘鳥跡交中國詩
就龍門擘巨靈柳意禁寒天尙醉角聲破夢月初醒因君
我亦西山愛分取林端一桁青

次昉谷招伯嚴遊大梅寺詩韻卽以奉贈兼訂後約
老去心情只愛山春還濃黛壓眉彎魂招雪虐風饜後興

寄青林白塔間世味客如泉自澹禪扉雲與佛同關緘詩
好訂尋秋約不負餘生是此閒

次答昀谷

臥看耕煙畫裏山近得石谷畫幀繚青縈碧半林彎心知問舍無
高計徑欲移家住此間棋局長安聊復爾茶煙禪榻最相
關能專一壑須奇福暫領松風卽是閒

沈友卿以湖山介壽圖徵詩卻寄

戊夏別京國日月逾奔驥乾坤一江亭光景入夢寐君時
初典城我亦試爲吏或弭南陽節或整臨淄轡中間各蓬
轉江海兩憔悴玄黃漬郊邑觸目餘驚悸運同陽九厄事



與登三異微生蝨冠蓋口腹誠爲累竭來渡彭蠡習嬾謝
人事閒庭課花竹疏散天所棄忽枉故人札失喜破濃睡
西湖我鄉里山氣浮暖翠板輿奉清遊畫舫屏歌吹獨得
仁智樂坐領雲霞意昔賢重養志豈惟酒食議心遠味彌
真禮縛情轉僞十詩述懿媿百韻恣排比泠泠宮徵協媿
媿情文至遠徵巴郢曲亂抹蛇蚓字定逢王母笑竊比萊
子戲嶺梅剛破萼滇茶欲爭媚珍重尺書還芳菲寸心寄

壽家補松叔七十乙卯

吾宗尊宿今商皓北斗以南東海西驥子聲名早無匹鴻
妻眉壽更能齊坐看雲物千蒼白笑酌流霞一滑稽好寫

屏風誇白傅一漁五相有新題

采菱圖爲程維菴題

日暮橫塘發櫂歌纖纖素手濕清波玉肌冰透渾忘却
與桓伊喚奈何

酬葆之歲暮見懷之作二首

陽月隨陽雁南飛遺好音三年京國夢五字歲寒心舊約
青山負新愁白髮禁遙知槐市月今夕共蕭森

梁公伯陳嚴江上鷺王義門李審海濱鷗霜雪歲將晏稻梁誰

與謀微波託芳杜息壤臥滄洲不盡低徊意平生馬少游

送蘅意辭彭澤令還里二首丙辰



不種公田秫得歸何所求花開春緩緩雲去意悠悠解印

蘇千縛巾車媚一邱儻逢耕釣侶爲我說淹留

江城十日雨南浦乍添潮誦爾柴桑句如聞桂樹招故人

滿湖海心事怯雲霄日與扁舟遠將詩慰寂寥

王瘦湘用山谷答黃冕仲詩韻見贈依和報之

微雨震霖風始融庭草不除苔益豐將書送日茶破睡禪

榻鬢絲成老翁清晨失喜誦佳句一豁蒙蔽煩襟空散原

酌谷悉吾友晚交得子將毋同涪幡法乳西徂東要子努

力揚宗風收拾纖鉅歸牢籠爲學日益道日損四始六義

有根本

再疊韻答瘦湘

平生厭說窮始工詩成奚問嗇與豐盤盤硬句提一律直
欲驚倒眉山翁灞上兒戲好興戎敢撻強敵張卷空受降
不俟大國許諱敗恥與夸父同浮雲百變吾何從惟宜煎
茶聽松風科頭未要紗帽籠桃花巷靜屐聲遠更遣衝泥
乞新本

伯嚴自江寧歸過訪越日卽省墓西山以詩報謁

纔從江上愁風色旋向山中紀歲華家祭告翁餘一慟春
心望帝極三巴舊栽松竹應無恙晚賸雲泉悅有涯到及
花朝還小別薄寒爲勒二分花

題雜菴遺畫三首

汪叟逃名畏俗知王郎多事乞題詩雲庵雪箇風流盡強

被人呼老畫師

雜菴晚隱汪山自號
汪山農亦稱汪叟

江海人歸守墓田松圓老去賸雲煙青山如夢誰能憶草

綠長干柳拂天

義州謝世

文石銅梁

禹孝死尊俎虛閒几研荒一樣西山弔新

塚歸來庵外月蒼涼

謂句也

再題雜菴畫與曹東敷二首

前山後山雲不定坨南坨北水方生樵風忽斷峽泉急動
操撫琴如有聲

雲林畫裏居難卜摩詰詩中臥可游此事自關胸有物癡
兒侈說筆成邱

宮亭舟中對廬山有作示伯遠瘦湘

風江繞檻看潮生忽遣匆匆唱渭城忍謗三年饒一笑壓
裝數紙敵千兵論詩漫與張幽眇握別惟期致太平雲裏
匡君真負汝虎溪重過若爲情

疊前韻再寄瘦湘

一笛橫江百喟生浪花煙樹灌嬰城拚摧地軸酬恩怨
挽天河洗甲兵眼底雞蟲無事擾人間坑谷有時平孤舟
夜壑藏能穩白鳥蒼波萬里情



下

庚樓餞別圖爲王果亭題二首
十載聞名熟相逢春正闌題襟虛雅集脫屣厭麤官肝膽
平生飛騰異日看峒崕山色好歸夢祝團欒
離別尋常有嶽寄並世無纔捐漢皋佩便寫庾樓圖兵氣
纏鶉火詩情付蔣菰終當尋倦圃一權肯相呼
題石谷蘆花釣船册子二首

拋卻江南婉孌山自憐騎馬似乘船宵來賸有菰蘆夢涼
月一丸花滿天
婁東法乳到耕煙一代宗風闡畫禪啗點後生憑撼樹賞
真惟有憚南田

大雪前一日行抵河東次韻葆之都門贈行之作

一邱三徑已蹉跎
辟地看天且放歌
事往乍如吹雪散
路難猶喜見山多
百年來日同旋磨
千里驅車竟渡河
賴有故人勤好我
小詩微尚獨相阿

游野狐泉看豐中將張縣令會獵

凌寒小隊出郊垆
池閣虛閒曉望平
鹽澤霜晴千玉積
中條雲散十眉橫
驚鳧避弋窺人下
飛騎驕羣與鴈爭
堪笑書生無健腕
憑將羸句換珍烹

偃柏

野狐泉上一株橫
偃雪欹煙不世情
輸與抱珠千尺翠
折



腰猶似媚公卿

立春日偶成丁巳

市聲寂似再眠蠶
官閣清於入定龕
只有中條山色好
潑天濃翠滿城南
春到人間百可憐
弄晴作雨費周旋
黃鸝閒殺無句當
坐看花情柳思天

戲題齋壁三首

吏散雞談白日城
荒雀語青春不逐
楚狂咻楚且隨秦
人避秦

無佛處稱尊
宿似人者即
嬋娟未是先生
玩世除非天女

解禪

吟想涪翁快閣夢繞坡公雪堂江山不落吾掌樵風漁火能忘

題吳柳堂侍御遺像並手書罔極篇墨蹟卷

攜雪堂空諫草存百年養士獨酬恩竟教靈祚移冲主終負孤臣燭禍原桑海劫餘成史料蓼莪詩後見啼痕頽波橫決浮雲變忠孝明明付討論

春事

高齋春事在吟甌巾履蕭閒稱醉侯讀書評碑兩清課玩鷗調鶴一良謀隣園借樹添幽籟晚徑巡花當遠遊倦數

歸禽成獨悟海棠如夢月平樓

院海棠詩韻

院海棠詩韻

春寒約束凡草木紅破一枝天使獨始知真豔與常殊濃沁燕支仍不俗肯迴嬌靨慰羈眼頓喜韶光照穹谷黃州逐客強解事國色自宜金作屋妍如西子不嫌顰靚比太真差少肉窺簾一笑意全消繞檻千回看未足人間尹邢誰可擬天桃穠李羞貞淑張皇風景聊快志唐突仙姿應捧腹狂奴薄倖真自慚坐惜伶俜寒倚竹卻念天涯共流落胡沙遠嫁傷春日喚人鸚鵡未歸秦啼血杜鵑還望蜀

江南春深花滿路千里奮飛心有鵠惟防苦語被花惱強
解愁眉題豔曲低鬟抑怨正粧成蝶粉蜂黃莫輕觸

海棠有殘意

一春無雨不成陰負此纏綿愛物心睡臉嬌紅纔幾日慵
粧褪粉便如今籠燈扶影千回賞垂老言情一往深誰識
美人遲暮意鬢絲禪榻獨沈吟

伯嚴往歲清明時必還里省墓計與邂逅南昌又一
年矣遠別逢春緘詩寄憶

禁煙節近閨春長上家人歸舊草堂萬樹杉松無魏晉一
年桃李又滄桑西山翠想盈裾暖北極雲看罨夢涼知否

休休亭下客因君詩興落江鄉

白丁香花下作二首

瑣細玲瓏照鬢華晶簾糝雪玉搏沙陔陔二月無芳草點
綴春風有此花

自笑年年錯過春每逢花事卻因循閒園此日蜂都嬾翻
作巡簷負手人

錢海棠

別意不可說殘粧能再窺魂銷雲委地香並雪辭枝餘愛
甘棠比春心杜宇知臨風堅後約來歲燕來時

清明有懷二首

花塢春晴上冢天焙茶風裏試新煙年年夢繞西溪路手
種青松廿七年

新林山色碧回環編枳誅茆事亦艱放鴨陂成魚計熟老
夫判得一春閒

閏花朝二首

不道春殘春尙饒勸農猶及閏花朝人言無雨百花熟卻
恐有花無麥苗

兩三點雪不成臘七十日春偏做晴柳眼花鬢焦欲卷請
天空憶東先生

喜雨

昨夜茅龍愁破屋今朝石燕喜乘風簷牙預想天紳挂庭
角先看土脈融漫笑無田猶望歲未妨搜句且旌功閑人
別有關心事新種墻陰鬪雪紅

江海謠

劍南詩老著語工萬里作客原非窮放翁中條雷首在庭

戶大河東走垂天虹官閑足可事文史時復得句聲摩空

胡爲惛惛夢江海雨笠煙簑呼釣篷江南三月花吹香春

意柳絲相與長吳姬壓酒正奇絕越女解謳還斷腸人生

不醉直癡漢坐任白日來堂堂黃塵烏帽那能抗清鏡素

絲行自傷桑田是海陵是谷賭墅爛柯爭一局儘教霖雨

爲蒼生何似春江變醜淡北人自北南自南湖光佳處留
茆菴西行回轍昔笑孔東來望氣今非聃歸飛有翼不得
逞夢轉此味猶餘甘會須一權就魚麥租橋課桑吾自諳
雨止

林雨寂然止庭階淨如沐掃此荊棘胸潑眼見新綠生意
自往還於人何寵辱褊心測大化憂喜兩煎促羨彼田間
子春至勤叱犢麥熟稻穗長行歌一飽足

種藕

物外有幽事種藕灌新泉托根在盆盎身世寧非天曾聞
玉井蓮峩峩大如船花開不可見仙掌空雲煙滴水知海

味泰埏一蹄筌纖鉅各有適眞實道自全毋爲向若歎不
讀南華篇

寄陳賜卿項城二首

遙憶宦游人蕭寥潁水濱訟庭晨散寂書幌夜開頻望氣
知龍悔行春見雉馴桑麻聞被野應不羨安仁
與子俱爲客無田強說歸豈緣軒冕誤端惜世身違板渚
潮初上燕城花正飛十年歌吹地腸斷老萊衣

風沙

渡河逾洛習風沙驚面縞衣一笑遮已付危心向寥廓尙
餘逸氣寫槎牙臥聞雩祭知民朴晚悟楞嚴覺念差兒女

青紅有時節道人閒數過牆花

夜坐聞風聲甚壯偶憶江干舊游

紙閣風燈欲雨天吹花擘柳一春顛白沙江上烏篷艇杯
底潮聲憶昔年

鳩鵲

鳩鵲任囂囂春愁轉寂寥密雲矜雨勢薄醉遏思潮國論
真成閩民風喜未澆由來耕稼地吾欲問芻蕘

閒詠

閒知道味老耽詩睡短飢長自一奇玩易漸疑天酩酊潤
花惟頌雨慈悲女牆山湧無邊翠隣樹風搖不定姿此景

眼前供掇拾向人舉似又迷離

讀史三首

障籠傾身亦可憐累同終讓阮生賢不須更讀張湯傳主
簿曾聞號十錢

似聞東閣和羹苦坐見西園設醴忙聚訟紛紛笑綿蕞漢
家約法只三章

過江人士一波頹歌舞擗算劫灰獨有悠然高世想要
携王謝冶城來

清言

山公倒載知何許樂令清言故未妨策癩耽書成定課扶

衰勤步亦良方琴尊暇日增詩富鉦鼓村巫祝歲穰漫共
鷓鴣競勞逸海鷗原與世相忘

見月

昨疑天酩酊今見月分明萬里春將暮一鉤光乍生穿簾
雛燕誤映水大魚驚莫惜金波瀉流雲太不情

王司農做大癡陡壑密林圖

西來山勢鬱千盤盡作關種與范寬携得江南風景在密
林陡壑當真看

李穀齋寫漁洋灑瀕詩意小軸

十年長夢下牢溪青峭摩天亦自奇懶駕舸舫犯淫預畫

中檢校阮亭詩

董東山柳溪仙舫圖

數株綠似金沙港一抹青如寶石山拾取風光付毫素看
人湖上討春還

王石谷春江水暖圖

桃花千點魚尺半風味條南也自殊卻笑耕煙老江左但
將詩意寫髯蘇

上巳

三月三日聞雨聲一詠一觴空復情執蘭解禊昔游散門
草踏青何處行未害參軍作蠻語却思太學坐儒生分朋

走馬少年事老我能閑脩太平

答賜卿

絮亂花飛不可留一春拌與醉相謀天吳畏見波濤拆若
士期從汗漫游但說紅橋真坐誤漸摧青鬢更堪愁煩君
吟徧陳州柳送老鹽齏傲子由

誦賜卿酒杯前朝之句愴然於懷續和奉寄

萬事立都觀裏花兔葵燕麥送繁華夢回記曲春燈炮劫
後尋詩醉墨斜風景未殊惟月色故人好在獨天涯酒波
銷盡蘭成淚頭白江南望轉賒

病酒戲成二首

不

婪尾杯空春已齊淺黃杏子壓枝低久拌問事百不省那
惜扶頭輒似泥
都無紫筍朱櫻分但與鷓鴣鸚鵡親莫笑朝歌取沈頓猶
堪老作據鞍人

午醉欲眠欹枕成詠
小醉能令百慮藏隱囊清簟暫相羊老懷漸似天澄澹幽
夢閑隨日短長花氣破禪醒亦好松風到枕味先涼平生
未解蒙莊趣偶借壺觴作道場

不與據憤事

到此真無憤可據一蒲團地是秦餘蜂窺花安心猶競鳥

趁陰濃意小舒漉酒澆書消日盡煎茶燒葉聽風初青山
不與人間事默立斜陽獨起予

遇安園有清曠之趣爲賦此詩

臥拓紗窗納衆峰坐圍細帙敵千鍾分畦種菊多逾好開
徑穿花掩復重兒戲河山看起伏壯猶心事寄從容綠槐
陰下楸枰冷賭墅無能只笑儂

紀事

搏土作人原戲耳偶然加膝偶沉淵盧生莊叟不同夢猿
鶴蟲沙俱可憐叩馬六軍成此局墮驢一笑是何年甘陵
南北風流盡皂帽遼陽獨汝賢

論書

唐賢擅墨妙真草俱絕倫只有行押書北宋稍翻新下逮
元與明但解效其顰過縱輒踰矩過拘如束薪鷗波戲鴻
堂僅足稱小醇順康迄嘉道陳陳盡相因南風勢不競北
鄙氣方振墓銘及造象出土日紛綸俗目駭醜怪惡札充
奇珍附會篆八分侈漢夸先秦小生朝執筆夕已卑唐人
點畫妄增損矯揉成屈伸文字關運會亂象安可親滔滔
不速止潰決誰能堙

論詩

作詩必此詩固知非詩人若竟非此詩何殊越視秦要在

離合間一一傳其神西崑嫌太僞長慶嫌太真所以李杜
蘇秀句垂千春金源有遺老渥注能絕塵道園犁眉公猶
覺非其倫青邱等自檜七子雜疵醇新城長水儔略與何
李均頽波到乾嘉九派一淪湮近來頗佞宋多問涪翁津
梅酸后山苦往往聞嘖呻憮然念斯世類此風波民何時
洗櫬槍大雅與扶輪
前二詩意有未盡續成四絕句
繭紙烏絲世已無唐箋宋楮半鈎摹癡兒目眯黎邱鬼坐
擁蓬攀說麗姝
虞碑貞觀存孤本祖帖昇元絕妙蹤氈蠟幾人窺北宋得

窺猶未是真龍

秦火未能燔六籍夷風真欲蕩羣經苦留山水清音在唱
與空船冷月聽

袁趙聰明已誤人定盦流毒更無垠詩中誰識西來意掃

盡空花見本真

憶梅

夢中吾憶汝香破最南枝屢負溪橋約空吟雪岸詩征鴻
傷歲暮巢鶴笑歸遲耐此蕭寥趣寒藥爾獨知

憶山茶

兩載南州別冰天憶此花白凝姑射雪紅暈太真霞脈脈

情成往勞勞鬢已華黃河一千里惟見月籠沙

續論書絕句十首

魏晉風流不可攀一篇戎路解人難昭陵玉匣羶龍去賸
取霜寒快雪看

白首閱書無魏蹟南宮此論不吾欺後來季直誇神物笑

倒龍眠老畫師

王虛舟謂季直表是李伯時作雖無確證自具精鑒

樂毅盡成唐氣象曹娥略具晉風神千秋畫贊黃庭在纔

識山陰面目真

鴻翩龍矯十三行宣泄家風啓盛唐從此一鑑傳百世永

興北海到香光

草聖無人繼晉唐洛陽髣髴見雄強只如天女乘風去留

得仙裙一縷香

天真爛漫眉山老胸次何曾著李顏比似神仙偶遊戲不

驂鸞鶴也珊珊

畢生精力到烏絲絕險凌虛儘自奇擺脫歐虞睨顏柳謾

言初學沈傳師

涪翁詩律通書律著紙曾無一筆平獨抱冬心嚼冰雪後

人刻畫太癡生

衡廬台宕風雲絕清遠湖山得趣多時代限人非學力莫

將平易誚鷗波

華亭神識超元宋悟到真如證未能拈出澹中禪一味僅
傳穎秀到雲仍

解官候代賜卿書來問訊賦此答之

經年慚對王官谷臘鼓聲中得小休正憶梅花觸歸夢好
呼煙艇捉閒鷗隨風雲意渾如忘照水霜華早自尤莫笑
行勝無長物清詩猶抵鷓鴣裘
留別中條疊前韻
如此河山爲汝留築亭早擬署休休歸裝喜挾千重翠晚
計催盟卅六鷗繞夢煙霞終不負忘機鰲鳥莫相尤來時
風景依稀記霜磴凌寒月滿裘

將還京師先以詩寄葆之索醉仍用前韻

小別春明歲已周西山梅放恰宜休慣依梁稻常隨鴈未
狎煙波欲問鷗竹葉酒高醒亦好松花魚美物真尤天橋
南市燈如月肯爲狂奴一解裘

小遊仙十首

鳳紙麟毫趁意揮辟寒簾下寫靈飛虬珠似斗宵如畫碧
海西頭喚月歸

宜進新詞譜碧絃瑤階分授衍波箋仙才最數吳剛拙謫
墮清虛倚桂眠

玉戲年年費翦裁仙家兒女門詩才今年寒徹梅花骨春

到羅浮尙未開

倦賭瀛洲九斛塵推枰一笑四山春行廚祇載麻姑酒試
乞方平擘翠麟

月府霞司一事無憧憧日見萬靈趨淮南不是忘丹鼎要
喚花虯守絳都

漫向新宮叩玉扃九華春帳晝冥冥扶桑花老鷓鴣懶日
滿神山夢未醒

瑤水桃花夾岸開漁舟何處問津來飛瓊已嫁雙成老誤
卻劉郎又一回

睡裏微聞減鶴糧海天霞氣正蒼蒼蓬萊近說耕耘癡千

頃芝田一半荒

新上明星玉女回鸞慵虎億莫相催騎驢未識人間趣卻
笑希夷是俗胎

地老天荒事有無十洲枕上任龍呼胡麻未熟瓊漿冷還
佩平生碧玉壺

葆之詩來許訂天橋覓醉之約誦條山雪霏句雖有
豐穰之喜不無沾濡之懼賦此解嘲卽次元韻

謝家鹽絮擬全非早約涼蟾伴我歸世事任渠棋不定清
詩輸爾玉交霏陰崖晴壑看都好風別雲同露卽機旣醉
未妨酣白戰祇愁梅瘦瓠壺肥

歸心

臥轍雲煙滯去程歸人心與暮禽爭愁聞畫角天憎曉慣
著青鞵路喜平浩蕩襟期寧自擾迷離弓影漫相驚嗣宗
壘塊澆都盡肯爲醇醪戀步兵

葆之寄詩有還就妻孥可當歸之語如欣如戚情旨

兼深詠歎之餘續成此什

賃廡要明時鴻妻恐未知世無偕隱地夢已十年遲晚學
存魚計禪心視鬢絲與君同一拙家法付癡兒

臘八日樹傳蕭然有逾野寺戲作

本來雲水是閒身瓶鉢蕭然節序新逐食故應羞鳥雀養

生原不藉甘辛粥魚茶板心成佛大酒肥羊腹負人悟取
南華齊物旨庾郎三九定非貧

讀宋人詩六首

烏塘春水柘岡花投老鍾山可憶家捐得相公拗性去倘
迴光景到桑麻

梅翁堅瘦醉翁腴坡谷前頭故自殊好語一生能有幾亂
雲春水夢西湖

陵陽老守竹三味緩帶看雲寫性靈早識烏臺有詩案栽
花纔了種浮萍

絕俗清新豈浪誇微憐詩筆太槎牙斷雲爭誦垂虹句我

愛三時看好花

長愛吾鄉林處士解吟埋照酒醪中沈冥自是承平福何處青山著病翁

詩人要瘦言真謔怪底閉門長忍饑聞道學仙須換骨可容親見五銖衣

冬日三首

畏寒復憎火此襖天所賜烏雀識人心巡簷爭鼓翅似言朝景暄促起破清睡敝裘增奇溫僵僕有生意科頭坐南窗濃墨書大字平生薑芽手到此快一試作詩告寒蟲塞向真自棄

人皆愛冬日妙處莫能言我獨發其微盾袞匪異論張蓋易挾纒麗天同一盆世無冰與霜誰知仇與恩恩仇在人心愛憎徒自煩愛者不感惠憎者寧銜冤癡兒妄分別姑與話寒暄

萬物俱依仁微生寧獨異暖此冰雪腸煦煦自爲媚危巢颺驚魂鰥卵真細事豈無捫燭手不掩沈淵淚皇天有私照時或乘其醉雞爲失晨暗鶴以仇烟避一室闕遐心炙背防烏墜

憶昨行再題石谷蘆花釣船畫冊

憶昨驅車度虞坂解裝便夢江南船題詩寄與一丸月往

往宵枕尋秋煙山城兀兀坐閱歲萬態一瞥如驚鳶新霜
著鬢塵面澆臥楫生苔冰腹堅正思炊雪就蝦菜那知隨
牒趨幽燕平生欲試釣竿手不落江海寧非天東坡百事
常隨緣晚頗欲買陽羨田向來作計一鹵莽將老尙乞厨
料錢嶠滙歷歷引歸轂兵甲森森鳴急絃風鷗不下霜雁
警卽辦短艇能高眠卻念烏目山中人寄興獨在滄江邊
葦間濠上去已遠得追漫浪嗟猶賢波濤瀕洞此何世一
葉正似風中旋舊時月色不可傳越二百年知幾遷披圖
愁煞江南客秋到蘆花還自妍

諸言

喧闐鼓樂驚比鄰知是迎春與送臘邦人愛我贈以慚撫
頰生頰語難答老僧行脚自來去祇合雲山便舊衲剪裁
浪擲散花綾暴殄真成代薪蠟况揄拙政作清頌懸橙書
榜承以閣那知此事聊與嬉一笑且傾醪百榼春風未來
吾已東負爾海棠雙靨紅社燕何由戀塞鴻妙語夙聞東
坡翁道旁石人笑欲仰裊裊花枝正呼枉

贈庭中兩海棠樹

好事多情不爲花可能無意到枯槎曾攜畫燭窺春淺賸
倚疎櫺送日斜空谷相憐雙寂寞長安回看一紛華護持
翦伐尋常事洗耳松風聽煮茶

欲雪

不信詩爲崇真教雪犯春慙無尋刻興應少問袁人紅袖
思斟淺青山笑鬢新題書寄佳想冰硯欲生鱗

喜雪

昨宵山月慘無明侵曉簷烏噤不鳴行子但愁石磴滑老
夫初覺世途平別來尙憶元年夢乙卯冬在南昌見歸去
真成一笑清寄語龍公勤試手要驅疲馬踏寒瓊

快雪時晴

詩翁心與碧翁期不用稽疑更灼龜告語年豐先擲米排
除塵障與軒眉未須高價酬康狄自有長鞭走鬱儀莫訝

松顛半蒼白瓦溝泱泱已流澌

聞鶯

先春無十日已復聽鶯啼聲怯簧猶澀魂蘇柳未稊砭詩
暖冰雪敲日鬪玻璃好作煙花主間關上苑西

東裝將發霏雪驟零戲作寄示葆之

締交三十春唱和未盈帙往往六七稔不獲一緘札奔輪
兩烏兔飄忽送華髮此別歲又周曰歸喜難遏投詩當投
刺似云將報謁君胡不置之一笑付乾沒待我朝解裝未
夕竟排闥便呼臥樓人共泛忘憂物燈紅韭芽碧千里療
饑渴奚爲破夙戒催不俟擊鉢傳箋置郵速觸興高唱發

借彼太液風送此條山雪龍醒手初試犬吠聲欲竭晴嵐
斂青蒼陰嶂明浩潔痛僕愁衣單羸馬怯磴滑臨歧急回
車祖道訝投轄定遭妻孥罵幸免官長詰吟魔崇窮途冷
語成故實作劇真太惡造端君有責火急呼鬱儀爲捧紅
鏡出已踏征塵清更煦衆峯活前愆稍許贖近約毋再失
一杯藍尾酒淺酌抵深罰

雪後山行

夙持無李論今始識營邱一夜換凡骨千山科白頭高寒
成北勝疎逸笑南柔記此瓊瑤影歸裝當畫收

憶散原翁

戊午

京邑逢寒食天涯憶禿翁飄燈六朝夢撼淚萬山風四海
疇能一扁舟我欲東平生哀樂慣寧與謝公同

題董逸滄菱湖泛月圖

數徧紅橋六六鷗青蘋風起夕波柔不須苦憶揚州好換
取菱湖十頃秋

歐公終日常思穎潘令當年偶種花桃李成蹊觴詠歇有
人湖上話桑麻

爲湯定之題貞愍公手書詩卷

粥翁晚興寄雲邁餘事猶能換白鵝閒殺畫梅樓上筆新
詞寫付雪兒歌

驢背青山送六朝石城夢雨咽寒潮廣平自是心如鐵賦
就梅花當大招

偕劍丞定之鶴亭看花極樂寺定之擬寫圖紀游賦
此促之

一春懷抱付支頤出郭尋春春豈知此世久應無極樂殘
僧猶與護花枝相看不厭初成賞問訊能來更有誰舉似
畫禪休惜墨御河煙柳綠千絲

分韻題宋槧本魚玄機詩集得上字

花事了城南筇屐安所向持書遮兩眸萬緣判一放臨汝
癖勝我懶與墨林抗一厘羅百宋氣壓天籟上篋中咸宜

集精槧見尤創如坡得朝雲昕宵恣依傍色香味殊絕眼
鼻舌俱忘秋室老維摩點筆空色相獨得蕙蘭心不落羅
綺障憐才吾意同殺身愛業償綠翹事有無底用費疑謗
當年佞宋人分韻鬪新唱效顰到吾輩復此供詩帳月中
響隣樂深巷記來訪長擁亂書堆春愁如蹴浪

題孫師鄭感逝詩後

海轉江迴硯已枯亂思文字九天呼叢殘史料兼詩料荏
苒今吾喪故吾灑淚重泉無淨土埋憂一錘是良圖判將
酩酊酬西日忍痛來過舊酒壚

同葆之鶴亭過龍樹院適抱冰堂新構落成

郊南富煙水野鳧閑過人延緣葦間路著此風波民照鬢
颺秋雪寂寥非我春龍移歎響絕羣飛驚視新堂堂抱冰
叟魂魄能相親世易文藻空殘僧話滄塵茶烟忽破碎簾
隙秋逡巡一笠寄霞賞夕陽工寫真

題姜穎生爲許少騫畫畿南訪舊圖

金門畫隱不知年老去雲烟易粥饘秋雨近聞淹病榻春
江猶憶預歌筵十朝舊夢銀燈炮三輔新圖碧海遷好爲
汝南珍斷笏滁人爭道醉翁賢

喜王瘦湘至卽題其丁戊行卷

苦提硬語轆涪翁想聽匡山六月風此士沈冥十年久異

時江海萬聲同遙帷共月花盈夢候館吟秋葉墮空袖却
凌雲揮翰手不嫌遊騎去忽忽

沈藻卿文官果圖令子定九索題二首

露葉風枝似不勝僧房結夏嚼青冰玉潭但寫瓜茄影此
味江南得未曾
莆陽鄉思圖陳紫天水閑情贊地黃一樣丹青傳尺幅君
家弈世有文光

次韻壽成澹堪二首

有酒惟澆拄腹書持杯右手不曾疏舊聞日下尋僧話晚
計城東傲寺居料理松雲天所放平章梅雪歲之餘壯遊

早辦詩千首此事高常侍不如

尊俎風流冷劍池十年真悔識君遲
劫餘人物供談柄老去行藏付釣絲
抱甕一畦心自逸圖山四壁意誰知
輸他

宋迪工平遠翦燭先成畫裏詩

芝田畫小幀
壽絕佳

京口雜詩八首已未

髡柳殘鴉凍欲癡江山如此不能奇
荒寒風味他年記第

一泉邊試茗時

踏閣尋僧到上方塔鈴無語閱興亡
人天尙有威儀在豎

拂惟應拜象王

籙冠誰遺明僧紹能說棲霞有誌公
未必雲泉無夢到一

龕解衲坐霜紅

殘碑拂蘚循牆讀古甃穿林繞寺尋
解事山僧有清供一

鑑楫拙歲寒心

未要壺中覓九華碧巖渾似碧城遮
茲遊缺陷何時補惆

悵辛夷十丈花

招隱山中問竹來籙龍拳曲抑天才
料量濟勝閒家具不

負王郎訪戴回

細帙重題至順年鄉嬛舊籍賴新鐫
今人爭買吾妻鏡解

事丹鉛獨汝賢

不見通眉長爪郎破琴誰似過江狂
十年薤骨青山底賸

倚松門弔夕陽

答陳陀龔庚申

耽吟敢擬龜堂老坐對吟臺不舉杯苦雨一春成爛漫違
心萬事學低摧閉門覓句輸君好入社攢眉笑我來花氣
漸熏禪律破簷梅未落井桃開

花朝日石遺清齋餉客先之以詩賦此爲謝

隔牆詩老厭腥鹹媿非肥葵且放饒強借花朝作生日未
妨齏菜署頭銜充庖禁櫛誠非分釘坐吳酸故不凡漫說
春蔬敵冰雪坡翁蚤擬脫青衫

題祁文端哭弟詩卷

書生不知兵大言欺人耳中樞自失策天塹付豎子狼奔
一千里懼寇何至此可憐智猶疎未解匿夷市觥觥老布
政歐血誓江水身先石城亡氣懾懦帥死疾風驅狂瀾幸
未一世靡終致中興業昭昭延四紀吾讀觀齋詩想見淚
淋紙匪惟志深痛教忠具微旨浮雲變須臾斯義供詆訾
掩卷一長吁左衽從此始

王進之屬題令祖香浦翁松菊畫冊

乾嘉老輩劇多能餘事丹青亦上乘已挾濤聲走超忽更
支霜骨鬪峻嶒驅煙竟奪青藤席縫月誰傳白石燈百有
十年彈指過王孫殘鬢禿如僧

冊尾有吾杭張韻梅題湘
月一闕自云效白石體

北夢詞十首

玉宇高寒句偶傳晚晴簾閣鬪茶天詩中自有屠龍手綺靡緣情亦可憐

錯怨天公苦做晴要留赤地試佳兵神州雨量何曾減烟水南詢渺百城

種後胥前氣已馴射潮犀弩一時新鰻魚走卻靈湫冷且捉閑鷗算主人

蛾眉宛轉事難論盾墨弓衣寫舊恩不信佳人能作賊竟偷靈藥月中奔

尤物移人信不祥花飛蝶散又滄桑分明一段淒涼色揮

淚宮娥對教坊

一桁簾衣卽絳河隔簾人悵北山羅無情倚盡東闌月暗

數春星伺眼波

一往春心不可收藤燕山上大刀頭脂奩粉盃還無恙對

鏡凝粧掩鏡羞

水皺春池倒好嬉溫涼棋局子頻移定情金合渾無賴愁

絕宣華拜賜時

晚照西沈月未來碧紗幘外鬩蚊雷難勝冰簟銀牀意夢

斷懷清第二臺

滿院繁英不自持紛紅駭綠一枝枝芳華刊盡狂蜂散觀

槿山中獨悟時

吟臺懷程光祿辛酉

老去吳音未改渠猶堪一郡詫荆舒近來相鶴無憑準可有龜形人送書

欲遊鼓山輒以事阻候代將去賦此志慚

行滕檢點種魚經晚計重湖覓釣船長夜竟能容獨醒濁醪休爲惜新停近以病齒止酒摩抄花竹三年意繾綣雲嵐一桁青欠與支筇來聽水儘留餘戀屬山靈

朱藤漸謝春意已深因憶宣南花事

紺雪霏霏點畫闌春風縈拂到粧殘未成半醉和香摘初

倚微晴向夕看繡谷亭荒諸老盡雅乾間吾家繡谷亭藤花開時觴詠尤盛滄

江人臥一琴安遙知白紙坊南路遲我攜尊餞牡丹

玉尺山丁香一株大可合抱花時如玉山照人爲題

二十八字

一樹亭茗萬玉攢閨風懸圃見猶難燕郊古寺香成海只作曾孫下界看

陳竒齋看雲圖令子禮剛乞題二首

時賢競說同光派坡穎齊名早擅場終是承平好風氣看雲支枕浣花堂

往事流雲去不傳無人對畫玉堂眠斜川好自承家法坐

掩松關起看天

偕石遺又點貽書肖實堯城涓漁遊青芝寺舟還泊

鼓山下向夜欲雨覓筍輿不得遂罷湧泉之遊

半日輕陰半日晴延緣江路試春行水香婉變秧初上石
勢權奇樹敢爭鑿翠題詩人去久呼猿問洞客來生莫嫌
歸負靈源約拄笏吟臺早日成

石遺兩和青芝之作疊韵奉柬

壺中天地錯陰晴屏息摳衣躡踵行鬼面皴從人面起入
山雲與出山爭擘空仙掌開還合墜險詩魂觸更生留與
青芝添故實再三能鼓莫成行

遊興發仍擬爲石鼓之行拈此以堅後約三疊前韻

看山宜雨亦宜晴準繫疏篷策蹇行難得俊遊逢客至

點貽書肖實三君爲招近局與天爭空齋聽水神先往古洞捫苔

緣已生伏櫪三年圖一騁也如斫陣慶功成

雨中四疊前韻答石遺

任爾天公怕做晴芒屨從此慣山行濕雲擁寺癡如睡倦
羽投林噤不爭瀑布定知千仞挂松羔想見萬頭生祇愁
雨被詩催散紅日熏腰句嬾成

倒疊前韻補和石遺第二首

脫丸妙手本天成風勁弓鳴較射生怯敵吾真曹鄴似並

驅疇敢薛滕爭歸遲八節撐灘上醉倒三更喝月行不是
詩情多狡獪昨來江上晚霞晴

儻居京口門臨大江內子書來相告兼訊歸期寄示

二首

山妻累紙信催歸泊宅居然占釣磯列檻青螺充石供窺
門白鳥識荷衣南郊屐冷猶縈夢北固鐘閒共息機更喜
方干陳慥在澤山賜卿在揚州均久別矣隔江呼酒十年違

三山別去又三山迎送依依十二髮短策尋僧鶴林寺長

鑿誓墓秣陵關生孫竹笑剛同日今年余生日適第三孫阿辛生勸客花

飛且破顏贏得老夫誇賃廡伯鸞德曜兩癡頑

春盡日石遺六疊韻答林韻芳女士示余索和仍依

前韻報之

曉日平簷鵲噪晴晚花辭樹蝶隨行一春烏几埋頭過七
字紅閨攘袂爭詠雪才甘輸謝女當風筆早退吳生敢矜
腕有漁洋鬼百首懷人一夕成

次韻答石遺

流行坎止與天侔不爲西湖一半留雲去山眉舒曉黛風
來林角喚春鳩驅車鹽坂宜休矣問鶴松寥有興不明日
青衫真可脫此詩聊當効先投

再次石遺韻

水調山歌總不侔詩情苦被白雲留春秋斷爛無家狗晴
雨蒼黃逐婦鳩未忍便浮滄海去更能賭唱渭城不圖南
早息扶搖想合共歸鴻有北投

遊五州山

江上羣山如覆釜但有蛇蟠無鳳舞峇峇獨秀五州山不
肯低腰鬪眉嫵瀟湘坐我米敷文抹雨拖煙正憶君掃空
鬢翠一千尺展盡晴雲換雨雲輕輿十里扶雲入夾路萬
松無一直寺老僧貧佛也稀斷碑仆地無人識偃蹇支離
不入時滄江臥看有誰知世人慣見金焦面賺得黃州逐
客詩

壽方地山五十時適同在揚州
信眉一笑幾春風忍俊相看兩禿翁行樂漸防兒輩覺問
年吾亦卯君同浮雲人世從渠改白髮天心倘未公猶是
少年歌吹地更來煮酒論英雄

不到揚州十五年矣過江視澤山信宿高齋談謔之
酒餘繼以謠詠別後寄答二首
竟追殘夢渡江來幽抱微君得好開把臂各驚如許瘦捫
心已自壯年灰料量雞黍平生約搜剔鶯花未盡才此意
欲呼騶卒語但成懽笑不能哀

新詩風味似新茶苦入甘腴致更佳示疾維摩真有恃乞

居坡老尙無家
菅騰酒陣衝纔破
鈍置禪鋒辯已差
累我臨歧搜賸語也
拈凡茗炙蝦蟇

泛舟至平山堂小憩還過徐園

來是江鷗去塞鴻
十年一櫂綠楊風
新荷驟雨仍催拍
舊館殘碑自倚虹
供茗僧雛如厭客
討春遊侶半成翁
平山堂下重回首
猶有青山似夢中

還鄉口號呈補松叔四首

城郭池臺有是非
浣紗人惜舊時衣
茶煙一榻荷風裏
攝取承平夢影歸
金碧鈎絃院體山
蕉屏一曲占高閑
欲呼菊澗花翁起
湔

被風流水石間

劫餘人物渺沙蟲
一老蒼顏領萬松
便與題詩滿東浙
我來撰杖賦游龍

十日湖樓飽看山
任人觸熱笑癡頑
浮家泛宅真吾事
乘興來游盡興還

葆之與地山同甲
子皆長余一歲
稱五十翁既爲詩
壽地山因次前韻
寄贈葆之

浮生馬耳射東風
十載頭銜署醉翁
稱壽固非今日事
工詩寧與昔人同
麤麤漸老張思曼
皎皎羣高衛次公
飛盡江山回一笑
甲辰奚暇問雌雄

彥雲五十生日索詩爲壽寄贈二首 壬戌

人日梅花寄訊遲石湖仙正譜新詞齊年天與黃池長玩
世心惟碧落知早歲簪裾香屢接半生鉛槧墨能支含情
重問虹橋柳卅見春風颺鬢絲

頻年京洛厭兵塵招我同探鄧尉春載鶴浮家寧便老解
貂換酒莫辭貧桑麻晚計東西灑巾塵風流晉宋人料有
紫裘腰笛客梅邊喚起月華新

壽林夷叔六十

曾喫頭綱八餅茶白頭猶自戀京華勤搜野史存清議閒
撫金人說漢家那子詩情在桃葉逋仙心地似梅花橘中

定有長生訣乞我瀛洲一斛沙

余今年政五十葆之自京師寄詩爲壽賦此報謝

此樹婆娑久自嗤百年過半尙能支初筵翠竹黃鸝請舊
事南橋北馬知世味且嘗京口酒故人猶致石湖詞春寒
斂卻薑芽手拭壁塗鴉任獻之

來詩有寫罷黃庭便抱孫之語故戲及之

五十生日攜客泛舟至焦山釀飲枕江閣書示兩兒
焦巖最宜人入山如在家僧房開戶牖密若蜂排衙午風
蕩靈襟微聞鐘梵譁數折得危磴百丈懸修蛇衰屨怯登
頓飛騰愧童娃可惜春尙賒未拆辛夷花

昔人紀遊蹤大書復深刻後來效顰者黥劓徧巖窟蠻語

一鈎翰惡札四塗抹嗽名及此輩吾腕寧可脫安得五丁
手鏟削到山骨

春陰已浹旬寒砭詩人肌今晨豁霽景重裘不能披和風
碾江面淨若青玻璃回思十年前津門聞鼓鞞搶攘一須
臾澄清遂無時亂離豈天心守道終不疑庸言示兒輩毋
爲澆俗移

五十稱始衰得閑還自豪江干釣人居落落真吾曹一菴
爲我留臥聽崩崖濤長江果天塹暴秦應可逃不須權舟
去月上春星高

南郊看桃花遂至招隱聽泉

萬態同一春遙情赴新霽山光忽攔人漫浪若無際綠坡
植芳援數里蓄花氣初疑赤城霞墮地百破碎誰移錦步
障幕此鴻荒地支筇漸深入榛磔廢不治山僧如野麀見
客欲驚避悽心到殘竹遑知燒筍味芳韶斲餘賞岑寂引
深契且聽菩提泉一洗塵土沸

春望二首

渡口人喧曉市還籬條風急釣舟閑幽窗小幅多奇致一
角南徐雨後山
江樹低迷江雨微半篙江水送春歸禪心觸磕何曾著點
雪衝煙一鷺飛

書葆之豐臺詩後

潞河楊柳豐臺花遼陽春盡客還家玉鞭墜地麴塵死血
淚染成枝上霞西山老鷗作人語絮亂花飛一今古眼邊
春事不尋常後夜星辰前夜雨

京師解嚴葆之寄詩告慰江魚正美賦此招之

絕憶圍城玉貌人燕臺春盡雨如塵長江空羨鱗魚美花
市渾忘芍藥新一戰倘堪寧一歲千金判與醉千巡煙波
儘有閑生活欠汝風前墊角巾
謝安題沈太侔晚聞室填詞圖三首賦百部稱壽壽壽
落花飛絮漸成塵卅載淮南賦冶春今日倚虹橋下過白

頭誰識聽簫人

墜夢宣南拾已非芥園花樹繫殘暉玉田故有傷心處草
綠南湖舊燕飛
一卷芳菲悱惻詞沈湘呵壁有誰知不須貌取嬋娟影揮
塵空山絕聽時

壽散原翁七十

衝寒隔歲款林扉別後霜腴菊又肥物態漸看蒼狗變詩
腸堅忍白鷗飢燒香接手琴三疊刺艇攜家玉四圍錯被
洛中呼退傅道人原是舊朱衣

次韻寄答澤山

與君弱冠甫相識正似扶桑照初日渥洼絕影鄧林高忽
忽華年俱五十中間憂患各飽經過去悲歡疑失實數宵
燈火意難忘十載偏反手重執維摩世界同一室詩虎酒
龍餘喘息風旛自動客慧生覓藥安心真有益達生齊物
豈殊旨慶鏞昭琴惟所擇雄蜂作陣癡可憐辛苦銜花供
釀蜜君家阿兄能解縛忘足早知雙履適吾生磨蝎視坡
老晚傳釀法得真一醒時謬誤或自知醉後瞢騰已無迹
尙煩詩句祝堅頑強譽鬢絲如刷漆舊交僂指星向曙南
北二陳鸞在棘休起安得牀頭撥春甕出網銀鱗巨盈尺
招邀共發少年狂坐數昏鴉千點黑

送石遺南旋海上

驅車北來了詩債忘卻匹園松菊荒鼓山遊侶欠一我夢
中聽水聲琅琅君胡決去不反顧九衢祿褫衣塵黃西山
眉黛有何好點黠笑額成啼粧承平光景過如拭驚沙聚
散誰能詳奚囊貯滿趣歸去擁髻有人愁夜長

陽明先生青琅玕硯爲蟄園賦癸亥

石之次玉者夙以琅玕名琢硯奉君子比德逾瑤瓊黎溪
頗拒墨天水久見輕洮河千尺深縋取殊不情何如茲石
奇突兀太古青端堪儷蟬腹並几光熒熒後先歸蟄園二
難成合并真手得真硯弱腕不敢爭明當詣高齋試墨寫

承平事行吟澹沲春一杯真草草擊淚睨奔輪
記弭閩江節曾過瘡野堂病餘談轉健老至氣彌蒼孤詣
無前輩斯文有耿光從來天下士一室道難忘
爲寄江鄉興林塘點筆幽離情數行柳古色萬山秋淚盡
銅仙去天荒玉局留不逢蘇叔黨遺事向誰搜

次韻和秋岳

窄地簾波曉更清風枝露葉可憐生飄燈夢雨渾無據棲
簾流塵似有情促坐春深芳醕淺臨分語重落花輕玉驄
嘶斷垂楊陌寂寂殘星數點明

七夕次釋戡韻

離合神光燧絳襦銀河秋泛破萍衢人間憂歲忘時節天
上呼晴仗勃姑幽篔簹涼生蘄水笛小庭香動博山鑪拂牋
欲記墉宮事袖角回風漫染烏

乙丑上巳修禊江亭分韻得題字乙丑

橫街南轉藉壇西隔歲來過路欲迷寒潦半規鱗未活春
蔬一稜綠初齊可堪對酒吟蠻語賸與循廊覓舊題退筆
如山虛醉腕庾郎無事厭家雞

澹堪圖爲成竹山題

一諾未踐逾七年披圖坐對蒼浪天澄波拍岸松塞徑世
有此境真堪傳卻拋老屋在江滸王城卜築溝之沿灌花

種菜百無事鄉心定越千山川舊遊吳苑忍回顧錦涇秋
冷攢烽煙卅年成世一炊許况未及半風輪旋澹交落落
二三子贍持秃管矜時賢畫中煙景莫浪擲故山早賦歸
來篇

乙丑閏浴佛日燕孫招集廣濟寺分韻得霑字

載酒揚亭意未厭香林雖拂更重拈卅年舊句初題榜四
月新陰正覆檐丈室似聞花雨墜禪心偶作絮泥霑春明
詩事今殊昔霽翠西山露一尖

卓君庸招遊自青榭分韻索詩得句字

出郭神已超山遠意先赴縈紆度阡陌錯落見村隴纔過

不

青龍橋漸領滄洲趣主人工選勝玉山有佳處當門略約
橫照水槐柳仆野航容墨牀深竹隱茶具窗虛塔影射石
拗泉聲怒臥遊便疏慵騁望異朝暮支筇強登陟稚子笑
衰步夕陽半嶺銜鈴語百年訴盍寫秋禊圖銘功贍搜句
正靜明園分韻得吸字同稚辛鶴亭貞壯拔可釋堪功

廢苑蒼涼失修葺輸錢買券逡巡入入門右轉松徑深冷
碧湖光歸什襲石函懸溜出宮牆倒峽垂虹供一吸金沙
綠髮紛莫數傑閣巖廊高可揖摩崖刻記文字奇玉璽不
歸龍已蟄中冷谷簾爭第一誰是當年鴻漸汲此泉晚出

得高名不遇重華空
雨泣臨流坐石趁斜暉
瓦鼎磁甌成小集
何當一一鶴聲飛
詩境清森如壁立

九日瓊島登高同
閻公伯綱葆之鶴亭
彤士若木

樓臺照水碧成環
一塔憑凌紫翠間
九日持醪秋以暢
四郊多壘客能閒
摩挲花石網中石
想像瀛山夢裏山
興廢五朝騰暮景
波心留待夜珠還

爲錢叔楚題閱耕課讀圖二首
丙寅

瀟灑朱亭路閒閒
十畝餘看雲宜緩帶
銷日賴殘書懶聽
巴塘雨真驅下澤車
犇刀猶在壁許事不關渠
玉璽淪新室黃巾逼
鄭鄉難招叢桂隱
空憶浣花堂畫裏



無烽火人間有夕陽
柴桑歸夢穩松菊未應荒

丙寅九日君庸招遊郊墅并示新什賦此奉酬並呈

巴園老人

田水漱寒碧屋山明夕陽
誅茆成小築宜稻卽江鄉
花竹延年意雲煙卻老方
斜川似儋叟詩卷在匡牀
是日復遊香山次巴園韻

每爲佳名愛此辰
恰教巖壑置閒身
風廊不負攜壺客
霜葉真同避世人
記畫龍眠皆實相
鑿詩麟閣亦功臣
苔花蝕盡翔鸞影
坐聽潺潺一悵神

次韻和贈清浦奎吾

高館華燈素月流吟情已越海東頭連珠聚井占星象碧
樹黃花作好秋老去詩篇仍浩浩醉餘風度自休休吾鄉
大有湖山美佇看停雲紀俊遊

丁卯三月十三日遐庵招集北海畫舫齋展修禊事

分韻得鳥字丁卯

芳辰過元巳朔吹寒未了杏靨不敢圓桃纈紅猶小浮杯
闕嘉會孤酌謝清醪經旬惜蹉跎兀坐對風篠石林王謝
儔張筵值晴曉高齋儼畫舫修檻環曲沼扶疏槐柳交跌
宕裙屐繞景暄愜池魚風暖變林鳥拈韻鬥尖叉擘箋散
緗縹樊山老善睡亭午足音杏新詞尺一馳巧戰寸鐵挑

傳烽互吳越鄉思亂雲颺湔祓仗文字索效毋乃少疇橫
水心劍經略八荒表春愁蕩無垠柳眼向人嬌

丁卯詩社第一集釋堪寓齋賞紫藤花

徑欲當筵乞紫雲雙藤倚戶日移曛風前真作霏英會世
外新成細柳軍帶醉摘來巾墊角和香吹過面舒紋無端
牽引江南夢嘯詠溪光狎鷺羣

次韻和葆之

終緣苦筍換青衫五岳填曾放碧巉示疾偶拈居士偈解
弢還帶散人銜風前細葛涼初襲雨後新荷潤尙緘詩思
近來無賴甚瞢騰醉草不須芟

公約澤山相繼徂謝故交零落悽愴心魂葆之有詩
志哀予亦同作

空梁落月迥猶懸童卯論交遂卅年地棘天荆從此逝詩
清畫妙竟誰傳避兵藕孔經千劫卷恨蕉心付九泉淒絕
胡牀邀笛處劉郎去後更潸然

謂劉龍慧亦
下世未久

與君兄弟同聲氣沈瀼尤稱小陸賢一夕江樓飄夢雨十
年病榻送華顛蓋棺便了難償債倚杵方憂欲墜天膠漆
平生惟仲叔據梧相對惜朱絃

幾日

幾日坐清陰薰風隔一琴刺船寧欲去掃徑復誰臨惻愴

懷人句蕭寥避世心庭榴花照眼紅紫正駸駸
輝堪四十初度賦此爲贈

叱咤風雲笑汝曹南湖新拜將星高縱橫書劍知誰敵跌
宕鶯花儘自豪小憩藤陰資嘯詠偶開梵夾得爬搔朱顏
白日堂堂在休對清尊惜寶刀

題程聽彝垂釣小影二首 戊辰

涪幡偶與右丞同絕倒龍眠寫貌工收拾朝衫辦漁具秋

江消受一絲風

越東海蛤武昌魚風味還能宋嫂如喚起平生煙水夢嚴

陵臺下泊舟初

酬周梅泉

郊扉晚計杜陵高
花竹嬋娟儘自豪
閱世昨非知已熟
閉門新句癢能搔
俊遊莫問長干柳
嘉會虛題九日糕
紫鳳天吳任顛倒
恣君堅坐擘霜螯

題吳遊片羽三首

便作桑經鄙註看
清言雅謔助波瀾
人間逃暑方無地
一卷荷風六月寒

平生欠橫琴河棹
愛誦梅村感舊詩
輸與三君健腰脚
劍門扶醉立多時

吳苑隋宮並劫灰
遊踪十度九遲回
無端牽引扁舟夢
新

與江山洗滌來

題遐庵夢憶圖己巳

一鵬梨雲罨翠微
十年蘅夢冷秋帷
已判叩玉鴻都杏
終遣沈珠鳳紙歸
湘水有情芳草歇
春風無恙玳梁非
刺梅園畔成追憶
多恐毛生減帶圍

禮塔圖爲徐積餘題三首

十萬金鈴轉法華
東南民力耐窮奢
微詞莫信歐陽九
越女還歌陌上花

猶是飢鷹攫肉年
詩人老去賸逃禪
香南雪北須彌頂
多恐蒲團坐已穿

彈指華嚴帝網重真如性相本交融山河粉碎金剛壞偏袒相逢兩禿翁

己巳九日市樓小集示湘船虞琴劍丞拔可

閉置經旬苦喚磨佳辰危檻一來凭張皇厭說攀天夢踞踏回憐掃葉僧

寺去歲重九借客登掃葉樓

轉燭風光如中

酒題饒餘韻尙傳燈海濱不少閒鷗鷺裝點秋容且自矜

蹉跎次拔可韻庚午

涉樂言哀積感多老顛心事百蹉跎世情於我成胡越詩派從人說李何祇畏驕陽欺喘汗劇宜涼雨助滂沱江關閒却蘭成手贖許桓生解聽歌

次韻寄楊蒼亭高郵

離徙病鶴一癯仙修短何心更問天舊雨澆巾招近局午風攤飯得高眠隋隄春遠宜行藥壁社秋新未換綿多謝蒼穹留老眼再經甲子話堯年

次韻答陳含光

老來事業賸談玄入剡重呼訪戴船殘夢已銷歌吹地清時猶說泰和年稍回萌蘖來兵後卻卷波瀾到酒邊耐得寂寥真健者冬心休向世人傳

秣陵雜詩十五首

老來閉戶不能堅雪權雷車與放顛要作冶城高世想依

稀王謝過江年

昨日山光寺前雨今朝召伯堰頭風宛陵句從渠古貨今難

賣摘取梅酸餉醉翁

絕倒空山聽兩人新詩一日滿江城老僧見指原如月多

事松寥坐四更

金陵王氣幾曾收玉馬朝正會禹州微憶樊樓燈火夜胭

脂坡走黑貂裘

百八鐘聲喚夢回六朝餘綺付新裁坐中欠著樊山老北

勝南強試一猜

三客支離趁一閒雙輪搖兀歷千艱為尋雪後荒寒味來

看城頭渴睡山

重倚湖樓話晚晴山陽聞笛不勝情卅年蝕盡桑田影早

判拖泥帶水行

壬寅與爽召南同遊頃聞召翁新逝

風流柴丈亦人豪餘事丹青寫鬱陶十廟雞鳴飄瓦盡輸

他掃葉一樓高

流水棲鴉點夕嵐詩禪合與畫禪參江南好景無多子付

與鍾山紀阿男

玉盤深寒素綆稀半規殘綠繡苔衣我來不見南唐字更

忍攀林間翠微

溪林閣雪暮增寒也作山陰訪戴看半月秣陵城裏住六

街如水不曾乾

吾家羣從竹林徒白眼高歌任老夫乞得步兵廚百斛不
辭醉倒倩人扶

新林南望鬱松楸沒髀埋腰歎阻修廿載孤兒慚誓墓挹
江門外更回頭

飄然又逐渡江雲野鷺閒鷗識此君握手風前一怙悵短

長亭下故將軍

江岸遇李培
舊閩督也

鸞腸宛轉鶴書遲氣類京華有所思林水翳然魚鳥近蘭
成大有暮年詩

蘇軾勝棋樓



岩堯危棟倚湖陰中有弓藏鳥盡心劉宋漫矜歸計早胡
藍休怨獄詞深河山帶礪空丹券煙雨樓臺已暮砧殘局
要令輸一著故宮梅藻久銷沈

掃葉樓晚眺

冬心不可抑迴出霜林端長江際天白洶洶多驚湍拭壁
傷逝離拊檻感高寒永懷掃葉人結宇安蒲團行吟畫中
詩坐看江外山遭時阨陽九在阿終考槃遺象緬高躅煥
若神明還幾揚滄海塵未浣冰雪顏落日數歸舟凌風思
逸翰解弢遂孤往分我茆三間

酬朱菊坪二首

曳杖揚州路真當故舊看名猶坊巷熟客與歲時殘覓句
從無已謂休庵澆書學務觀南隣有朱老排闥敘冬寒

之子涉江海倦遊還我同花前思共發竹外句能工煮雪
關心事觀河皺面翁莫須論魏晉消此玉川風

寒食郊遊呈翼如默君辛未

鈿車迤邐鞠塵中路出花林更不窮一夕正愁吹欲盡數
叢翻覺晝難工松談東晉南齊事人有巖棲谷飲風作健
未堪凌絕巘除搜孱句百無功

主人幽興愜雲泉挈榼攜朋選勝偏曉挹湖光安坐具午
收嵐翠作行纏會同許下飛英盛春在山陰解禊先難得

俊遊兼令節更難不熱不寒天日對人榮性善非利謝

豁蒙樓禊集分韻得暮字

鳴禽變芳節餘寒戀江樹百六春漸非重三日幾誤近從
蕭寺遊遠企華林賦臨觴悵今昔題襟洽新故少長無町
畦主客半流寓癡或擅三絕捷每凌七步聞鐘詩破禪撥
燈字成趣簿書幸多暇槃礴遂忘暮雖慚曲水勝差免京
塵汗重湖挂軒楹五洲迴回互卽茲吟媿隅聊可祓愁怖
清言謝支許吾醉玉山仆

燕市諸君子修禊於什刹海以顏光祿三月三日曲

阿後湖詩分均湘蘅爲余拈得懷字寄此發笑

春寒惻惻無好懷擁裘兀坐頭長埋參軍千里賸蠻語長

公七言愁硬差俊遊望極什刹海啞韻惱殺楊誠齋近裕

稷集以誠齋上巳遙飛一盞附詩去安得健步尋西涯樓

次韻湘衡移居

玉河橋北鳳城東書庫琴亭一望中杜老桂叢堅自守孟

郊家具少能同長憐江水歸無計坐想峨眉翠掃空稍喜

舊京花事好佩壺判作醉吟翁昔因寄湘衡詩也

次韻題展堂百一詩後二首前非重三日

雋永如參玉版師輕縑素練曲江詩灌蘭鉏艾心原苦談

藝耽書癖更癡憂國臥思投筆日懷人坐對落花時橫流

莫歎蘇黃盡滄海迴瀾有後期賦正烈且湖中

權歌不和釣魚師百疊雲箋百首詩園柳豈知康樂意海

棠休笑放翁癡花前思發春千里松下齋清晝六時自有

疏襟繫江左冶城記與右軍期

次鶴亭韻補詩

旛外風搖不定枝天花著處裊衣知南來初飲曹溪水老

去渾忘雪竇詩危坐試禪寧問石空鈎意鈎不關棋粥魚

茶版平生夢重訂松寥聽雨期

疊前韻呈展堂兼咏鶴亭

誰解疏花著醜枝梅翁深處醉翁知向來揮塵談立地盡

入傷春刻意詩四海曹劉資坐嘯一枰姑婦任窺棋攢眉
早晚依蓮社真面廬山有見期

三疊均答大庾時以畫梅小幀及集曹全碑排律見

示

水邊籬落忽橫枝借賸許咸平處士知香宿翠禽初入夢
繡移紫鳳又成詩扶頭日飲無何酒斂手誰談幾道棋各
有行窩傲康節戴花人好並相期

四疊均呈展堂

揀盡風林脫葉枝荒寒心事畫禪知欲傾家釀寧謀婦倘
有江船合載詩鐵石最傳花下賦玉塵且賭橘中棋煙波

他日憐疏放飛鷺眠鷗尙可期

五疊韻偶成

霽抱欣欣媚一枝烏皮几在意誰知茶烟颺榻輕懸夢松
吹彌天苦鬪詩無盡江山餘看畫既佳光景欠能棋攀林
却羨攜柑侶不負聞鶯四月期翼如默君時
正遊招隱

有感六疊前均

扶桑影動最西枝鼉作鯨吞杜老知欲折芳馨空有遺便
摹清景已無詩似聞黿子悲沈陸不信鴝兒解亂棋唱徧
人間可哀曲乾魚賸與幔亭期

空庭七疊前均

空庭一一數花枝粉蝶黃蜂未許知
椴木三年草堂計桃源四面輞川詩
遊仙夢杳貪高枕落子聲微覆敗棋
折盡幽心誰復見巢居可有碧山期

遐庵以影印兩宋本淮海長短句見貽八疊枝字韻

賦謝

搜盡珊瑚出網枝千元百宋寸心知
能刊數點寒鴉誤合補藏書紀事詩
琴破不傳中散趣劫殘重覆仲宣棋
也矜眼福同蕘圃珍帙頻頒有後期

乞展堂書九疊枝字均

孤松秀出攫雲枝妙處時人那得知
六草三真都入聖百

金一字可無詩攀提梁蔡看齊軌
睥睨歐虞笑累棋欲買溪藤穿鐵限
籠鵝先告換書期

十疊韻東展堂並憶協之

若爲鸞鷲俟傾枝觀樅山中靜者知
壁上漫張驚倒畫夢回猶記失題詩
芟除徑草思爲政位置園花當布棋
獨有感懷陳伯玉離堂琴瑟訴歸期

曩有竺橋見杏花詩距今二十餘年矣
舊地重過恍

如隔世低徊棖觸不能無詩十一疊枝字韻

竺橋西畔出牆枝幽賞無端有客知
一昔夢尋尋夢地廿年腸斷斷腸詩
已看花片隨流水真信長安似弈棋
零落

棲遲兩愁絕春風慚負上林期

對月有懷十二疊枝字均

夜色初明掛月枝客心清絕畏人知致能早有驂鸞錄務
觀猶吟射虎詩頃刻花開頻折簡西南風急漫投棋凭樓
正作高寒想弄影無眠共此期

遣興擬放翁體十三疊枝字均

正是黃梅子壓枝弄晴作雨意難知偶思小飲逢黔酒乍
獲殘碑見魯詩綺語漸除應洗研爭心盡泯罷觀棋近來
事業荒唐甚絳闕雲臺總不期

十四疊憶張園六朝栝



不

東園長憶宿鸞枝貯雪停霜世共知六代銷沈江令宅廿
年零落澗于詩根蟠后土愁容蠹子落空庭誤聽棋留取
蒼顏閱興廢參天臥壑各心期

十五疊憶胡園六朝石

荒園半長棘荊枝此恨寧教狎客知玉樹歌殘空播豔綠
苔掃盡漫題詩非顛肯下元章拜作劇誰贏到漑棋莫更
徘徊感興廢紀年愁數渡江期

十六疊再呈展堂

盆花園檻樹交枝初夜涼生白袷知不好詣人憑載酒未
除結習恣談詩高層更築聽松閣逸品誰陪賭墅棋餐勝

幸酬華首願羅浮容易見安期

湖上意行未至平山堂而返十七疊枝字韻

怕向紅橋泛櫓枝吟蹤未許綠楊知獨攜渡海桃榔杖來
覓汗牆跣跣詩村舍暫晴爭曬麥僧寮長鍵不聞棋卅年
搗酒歌呼地過盡花時有夢期

午日偶成十八疊枝字均

猶斬榴花照眼枝夏行秋令蟪蛄知但逢角黍常懷屈爲
數階莫旋得詩晦朔已判忘舊曆吉凶誰與訊靈棋問天
呵壁無窮意一棹黃緣似可期

次韻默君枕江閣聽雨



一棹剪江過藏山小雨多無花春晚晚不月影婆娑鐘定
諸天梵潮添午夜波留詩鎮高閣佳句似陰何

展堂用荊公讀進士試卷詩韻送鶴亭入闈典試奉

同一首

五季士習浮園棘寢爲律解頭列正仗充庭比方物以茲
寵多士頗令聞而咄寸晷有短長通榜庶不屈牆頭立知
章叢詬徒鬱鬱始知殼中語馭世自有術軼蕩天門開九
流一途出

再用荊公韻呈展堂

結髮翰墨場皓首徇不律承平厭喧競含生納軌物近代

尚功利儒冠從叱咄梟桀肆鯨喙幽潛甘蠖屈疇能事絃
歌一爲暢堙鬱更與探治原尤在正心術焚書燬方張救
死計安出

奉和展堂閔雨之作同次荊文久雨詩韻
何時一掃陰霾空割取左耳降乖龍霆碎電射鬪不已夜
半翻倒鮫人宮竹頭搶地蘆沒尾仰屋坐歎多牛翁固知
天心不怙過舒舒旗脚回薰風

再次前韻時雨止熱甚
羲和頓轡織張空益烈山澤驅蛇龍却思寒雲下千尺避
暑直到高歡宮坐攜一卷嚼冰雪聖處窺見臨川翁未須

閻浮歎火宅詩腸貯滿冷然風

病榻一首

一瞑百棄置病榻安如山撐腸拄腹事投畀二豎頑誰令
蘿蔔火攝此逋魂還懸霽建高瓴燒聲撼重關潰圍萬騎
突聚泣羣鰲潛廿年復此邁我痛民亦瘼憤欲甦兩耳絕
聽入曠閒撥拾破碎夢補綴衾枕間朝來旭射窗照我蒼
白顏強起思鳥伸却臥仍獸踰歲晏志衝霍途遠愁躋攀
乃知筋力盡作健非天慳治老無良醫復丁真笑訕吾衰
且勿恨國步方多艱

淹臥

淹臥虛寮數夕辰粥甌茶銚鎮相親茹強自信腸難腐醫
止就懦微憐筆不神雨止天聲仍浩浩晝閒雲態亦申申
近來喜誦龜堂句已是人間老大身

送禹生鶴亭遊匡廬兼訊散原

顛風吹送二豪西桐屐荷衣各有攜不俟看花尋白徑可
曾洗石得蘇題龍吟破寂松圍坐虎跡忘危月過溪寄訊
匡山老居士秋堂欠我醉如泥
一鶴亭廬山書來補和其闈中紀夢詩韻却寄
秋室有遐心冥鴻無近憶不入名山遊奚由塵鞅息鹿洞
闕東南濂溪汨其北詩禮方發冢絃歌寧救國講肆成馬

廡忍此烽燧迫山居饜饒吻雞雙魚徑尺且謀十日醉遑
恤兩儀塞東林花再開毋爲遠公惻

鶴亭自廬山以遠公塔詩寄示因憶香光過東林事

爲賦此篇

白蓮不開公不來三百年事隨飛灰朱明運圯清社屋杯
土穩占匡山隈至人不死死亦滅戲留半偈封蒼苔香光
自負生應記後有再遣知誰哉鶴翁老作攢眉客花時已
過猶徘徊二林雙瀑恣吟眺雲中五老顏爲開義熙日月
去如駛陶陸先後窮根荻過溪一笑事偶爾附會辨析煩
詩才名藍寶樹遂千古遺跡泯沒憐周雷邇來巖居雜海

客蜃市涌現金銀臺底須入社拒山賊憧憧俗駕無能回
知公豈復戀茲塔靈光永闕蓮花胎

明萬曆丙申香光至東林時白蓮盛開自晉以來千
餘年惟存古磬無復遺種忽放白毫光三日夜花皆
千葉宰地而出遠公有記云花若開吾再來故香光
詩雲歸虎溪靜風度雁天輕苔蘚封碑古優曇應記
生紀此事也

次韻寄展堂海上
枯禪斷聞根萬感不成憶繫誰決土囊幡動風不息鯨
呿波濤雁嚮迷南北可惜漁陽颺驚破陳芳國別駕故非

狂炙眉嗟已迫未敢隨愛憎奚由均稱尺青山寧獨往黃
霧猶四塞搖蕩菊花期杜陵心惻惻

題沈邁士畫

五月枇杷正滿林詩人惆悵楚江陰嶠南亦有無憂扇可
抵西園一樹金
蒼髯翠鬣支離叟老去無心作怒濤未要萬牛回首看謝
君烟格落霜毫

東坡生日集穎人寓齋分韻得甚字

我生磨蝎同坡翁不落南荒窮已甚每思飽食得甘寢何
處風軒可敲枕晚途偶作黎衣冠橘刺藤梢心自審頗矜

草法醉更好怪石枯槎翻墨瀋五百年後知者誰紙尾勲
勲待題品今宵吹笛欠李委蕉荔且供文字飲只愁搨
到詩帳舊案烏臺猶懍懍鍾山况有老狐精公倘來過口
宜噤

縹緲壬申

縹緲朱明第幾天葛洪移住又經年篆成竹葉符爭竊夢
醒梅花佩易捐虎啞雲關終夜啓鶴饑月觀一時遷南華
別有同功繭不到仙裙五色邊

大槐

大槐零夢尙惺忪蛾子紛紛割據中教戰昔聞師地虎安

禪今見制天龍穿珠宛轉行猶媚徙穴倉皇技未窮省事
世間無上策幾曾回陣惜沙蟲

戲成三首

烏絲小字付官奴青李來禽儘自娛殿榜署成鬚盡白世
南臂痛不中書
諸城老嗜金華骸小飲還思越酒宜我亦南烹飫鄉味肯
將羊酪換蓴絲
金石遺文半貢諛坡翁矜慎意尤殊平生幸斂薑芽手免
被祠碑累老夫

寄展堂

南雲靄靄隔嵯峨，惠問殷勤到澗阿。涉世故知蠶自縛，畏人聊與墨相磨。雁行見說霜摧翼，蜃市猶聞海沸波。欲寫沈憂寄天末，荔灣花埭事如何。

展堂寄詩爲壽依韻奉酬

疏慵尙以詩爲業，徑草簷花滿目斑。他日妄思黃犢健，此生能共白鷗閒。經旬病起頻看鏡，千里書來一解顏。莫問虹橋修禊事，冶春浪語逐年刪。

再疊韻寄展堂

白波青嶂四州環，坐詠談天隱一斑。無事不妨工琢句，多艱惟乞老偷閒。堂中賓退應延蓋，沂上春歸欲鑄顏。來詩有親

孔子書語

擬作泉公喚居士，世間塵慮盡教刪。

三疊韻寄展堂

妙高臺是海中山，花竹都成玳瑁斑。手坼波濤移曲折，力驅愁悶入幽閒。青紅自炫枝頭色，蒼白同矜病裏顏。我亦金山一房客，瀾翻千偈不須刪。

寄鶴亭如臬

歡娛日苦短，斯言吾未信。自罹喪亂還，烏兔走益迅。昔騰二十春，春去不逾瞬。回思少壯時，鼎鼎歲華盛。裙屐春安排，瓜李夏餽釘。秋筇不知疲，冬醪常恐罄。四序真紆餘，萬事都靜鎮。今年盼來年，踟躕比剗印。來年復視今，綿邈疑

置閨每笑天心迂不如烏鵲奮壬子我四十君齒與驂斬
甫甦么店魂猶懼咸陽燼相持各扼腕八口寄一命倏忽
經十霜授受更數姓未應當塗讖已畢新室運浮湛等乞
食身世托鑱柄豈謂心所安吁嗟論先定壬戌客京口君
抱終天恨煒煒寫經心百手乞圖詠我妻君弱妹哭母淚
血迸江樓耿寒檠曉枕換霜鬢南北更分攜燕吳稀合并
殘棋造新劫餘橐隨墮甌偶同江上遊世態詭優孟就懦
氣益斂守默口常噤幸君相周旋稍免負瑕釁冉冉歲一
周皤皤臘已近私喜春將歸萬物出乎震兀然兩禿翁老
筆尙堅硬憑春各灑翰齊年互稱慶遂酬逸少願一中徐

邈聖乃猶遭鬼妬惡劇走雲陣初聞動漁陽繼竟撼吳分
星旗散蚩尤霓裳破餘剩未堪挈瓶守聊復棄甲遁踉蹌
就家室顛顛兼衰病君昨詩壽我深厚見真性我亦報君
詩淺薄墮語穿藥烟對冥搜馳想入幽夤紛紜廿年事如
影攝於鏡一一哽胸兩欲吐止者更探喉終不辭惟君冀
傾聽歡娛詞難工此或得其正

壬申上巳舊京朋好什刹海禊集以香山三月三日

詩分韻纒蘅爲余拈得燭字馳書督詩循例賦寄
年年上巳了詩債去歲翻陳剏新局豁蒙樓上作重三狼
藉壺觴飲山滌宣南朋舊敦古懽坐守西涯看不足搓烟

垂柳初作絲出谷流鶯如脫桔澄波照面舒醉纈芳草連
茵迷舊躅承平此水關掌故禊事永和仍歲續獨憐琅琊
筆已退不序臨河登鬼錄謂書衡人生作健且行樂好景
佳辰恣所欲弈棋世事何足悲瞥眼風光真轉燭胡爲賦
恨江南客樊鳥涔魚自拘束高廟海棠開正酣不落吟眸
天亦酷已拚禪榻付堅臥豈料郵筒勞遠辱明年拉共鶴
翁來淨業湖邊雙屬玉其詩
次韻葆之雪後見懷之作
三載燕吳一報書遙聞野雪蓋精廬雲連戰格無寧歲米
賤長安可易居白首逃禪心自苦青春作伴計仍虛終期



不

共摘江南茗蜀井泉甘乳不如
香香港喜晤展堂垂示新詩依韻奉和
洽風盪潮音纏綿兼悱惻我從塵海來明蔽聰復塞豁然
心胷開頓覺去天尺敢云遊興闌但苦歸期迫居夷匪道
窮聞韶可覘國曹溪一滴水味豈限南北毋爲悵離羣寤
寐通息息炎夏酬清陰應有江南憶
遊光孝寺疊前韻寄展堂
訶林古道場莊嚴換悽惻低眉坐伽藍膜拜斷夷塞定知
齋廚空治生無寸尺岌業寶歷幢終虞敲礪迫吁嗟佛力
盡龍象寧救國菩提本非樹能秀空南北衆生疾難獨勞

民陰可息雙塔一摩抄他年重相憶

登越王臺三疊惻字韻抒感

南登越王臺北望我心惻梧宮麋鹿走滬壘荆榛塞瀟上
真兒嬉夢夢計尋尺但祈私憤泄遑問公論迫家居任撞
破百里日蹙國白雲何岌嶷連峯抱城北老夫寧自娛匪
懈爭一息古色蒼然來秦餘耿遐憶

四疊韻和展堂

道舊同欣欣錄別重惻惻新詩迭垂示啓我蓬心塞追逐
走且僵進咫退累尺堅城不敢攻奇鋒猶見迫吞江復袖
海惟楚真大國鼓聲吾早竭未戰已先北銜璧趣行成解

甲覷蘇息他時過昆陽雷雨長在憶

別展堂五疊前韻

右軍志岷峨遊目寄憂惻區區一懷祖豈與較通塞負哉
龍虎氣千載傳簡尺神州真陸沉衣冠奔已迫何物寧馨
兒擁戈思竊國好風西南來送我歸舟北側身江海過抱
甕機甘息擊楫發深喟往事不成憶

答桂南屏次同遊光孝寺韻

訶子林中僧不逢爲貪幽趣繞珍叢雲間日下聲名久

謂

弟東原及鶴亭禮塔尋碑意思同莫話堯年遭鶴訝漸諳南食笑

坡窮北園野色招人去出郭心如鳥出籠

次韻贈汪憬吾

紅雲宴散景全非，老去賢街晝掩扉。箋異蟲魚閒自遣，卜

隣猿鳥計仍違。

君有移居杭州之意

蕭齋坐雨清談久，山館移尊俗

客稀。今日藥洲誰護惜，翠珉崩落繡苔肥。

贈伍叔葆

劇喜羅浮狂道士，向來風韻似葵霜。燻湯登俎羲之熟，斤竹尋山謝客忙。玉雁漫傷天水碧，銅駝長夢陌塵黃。青梧翠篠城中少，分取酥醪一段涼。

廣州雜詩十五首

正及梅炎藻夏辰，苧衣桐帽一時新。南州高士慚非我也。

拂陳蕃榻上塵

夾道朱樓起半天，六街燈火夜珠懸。金陵氣黯金臺冷，合

向西隄被酒眠

中原鹿死霸圖空，帝制聊娛措語工。亦有高臺峙千古，尉

佗洵是滑稽雄

荔子灣頭側帽過，衝波艇子急於梭。平生慣領煙波趣，奈

此衣香鬢影何

珠江南畔素馨斜，蹀躞花田不見花。老去看花正愁絕，戴

花人况隔天涯

一徑逶迤萬綠中，江皋長夏晚春同。移松補石渾閒事，消

受桄榔六月風

青豆閒房曲彖通花龕定起不聞鐘如何昧卻西來意翻

向東瀛叩密宗

踏閣攀林愧我孱吟鞦不上白雲山填曾五嶽嫌多事偷

取遊程半日閒

沙頭沙面灑東西水檻風廊處處迷此是漁山新畫稿祇

供賞會不須題

襄陽妙跡我心儀浸水霾沙未許窺輪與戴徐誇眼福綠

榕陰下立移時

短札長箋莊並諧風流誰似食魚齋僦居生近蓮鬢閣死

傍崇陵荷鍾埋

海幢寺廢海珠移滄海揚塵事不疑二十一年城市改夕

陽紅下五仙祠

風馬雲車絕道馳累他三日伴尋詩烏衣子弟尋常見足

散人懷是可兒

謂桂生

漁洋奉使年俱過竹垞重遊歲尙差懶爲丹砂乞勾漏同

心但賞日南花

遐菴侈說桂林遊處處奇峯可割愁何日臥看張壁畫碧

流容與一扁舟

題漁洋山人手書詩稿卷子爲衆異作

麟角牛毛託喻工微言心諗絳雲翁滄溟大復風流盡不
待談龍有異同

清波曲曲接輿村老去尋詩記夢痕一樣官資兩耆宿石
帆亭是弇山園

壽散原翁八十
香鑪宴坐數秋天改罷長吟句句傳
花壓帽門霜妍授經伏勝期來日鈎黨陳蕃記昔年聞道
鄭鄉烽鏞遠初筵恣放十分顛

題映庵填詞圖
想聽菴前古木風借山谷句偶將琴趣寫荒叢詞家自有

西江派不是涪翁不醉翁

坐憶胡床弄笛時康橋涼月照霜髭卅年綺語湔除盡餘
瀋何煩乞畫師

題故邑侯陳吉士超山遺愛圖

漢興重牧令圖治握其要千載侈龔黃時移德彌劭陳侯
真茂宰昏世奏明效勞民民益親疏鑿付坐嘯渠成亦民
利事集豈初料至今溯遺澤涓滴侯所勞吾鄉厚風俗林
社峙孤嶠春秋走裙屐耆耆指相告超山梅萬株冰雪儷
清操倘吟薦菊句應啓凌雲笑風微託縑素迹往餘憑弔
詩成復長吁羣盲正呼譟

題雙辛夷樓填詞圖

不見芙蓉木末開春風浣筆對吟臺三年玉尺山房住算
與名園管竹來
一卷零鴛刻意詞裁量茗味耐人思神樓聽斷江南雨淒
絕停雲老畫師
乘風歸去意如何藉甚才名付小坡珍重莫教寒具浣卷
中詩比亂山多

壽王峩孫

癸酉

越鳥南枝各定巢劫餘矰弋幸能逃吟蹤早覺神州隘胷
次渾忘太華高爭席海鷗招近局脫銜天驥任兒曹遊春

莫道香山懶未要人扶儘自豪

爲湯東父題靈谷松風圖卷

驢背青山似昔時秣陵天遠最宜詩爭墩賭墅渾閒事可
有巢林倦鳥知
一邏松風破寂寥吟朋牽引過溪橋人間陵谷須臾換壞
塔殘碑弔六朝
平生讀畫當遊山消得虛堂一响閒也似置身巖壑裏支
筇飽聽翠濤還

題李釋戡握蘭篠裁曲圖三首

猿臂封侯氣已馴紅牙按曲意尤親年來厭聽秋蟲語遲

汝酣歌斫地人

花影無邊瑟韻閒鵬籠鸚語正關關十年倦數蘭蓀客賸

寫重屏一朵山

二月漁陽雪滿衣霓裳驚破夢華非稗畦檀几東塘笛好

約江春一權歸

龔懷西同年以所藏梁芷隣中丞小印二紐踵兕觥

故事贈歸中丞曾孫衆異並拓印裝册媵之以詩

衆異持册徵題喜爲賦此

袖中海石來珠宮玉立雙映芝英紅百年文藻冷烽燧猶

見承平君子風銅仙辭漢瀉鉛淚六璽散落隨飛蓬君家



不

故物不改色江淮河漢天銘功遽莊逸老抱印癖官私譜

錄齊飛鴻就中兩紐最珍秘截肪蒸栗光交融修名美政

在人口通家誼重東園翁翁爲飛仙謝人世喜有詩孫能

亢宗瑣闥衣鉢久相付流人海上欣重逢爰居閣上作清

供殷勤持贈隨詩筒清芬世守定無忝香樹齋印將毋同

兕觥歸趙踵前哲更添佳話傳江東

答許疑菴二首

避俗長攜冰雪文松江疏雨狎鷗羣近知詩思高寒甚舉

得天都兩袖雲

老去談鋒鈍似椎那能屈折作濤來且傾還栝軒中酒恣

看林花爛漫開

題錢孺石蘭竹卷

竹豈節節生放筆爲直幹彭城得三昧襪材賺無算畫蘭
不畫土畫就只自看偶傳推篷卷異代矜祕玩斯人今已
無屢興廣武歎槃槃孺石翁二妙輾一腕風枝勢低昂露
葉影凌亂彷彿瀟湘遊曼睪列青翰瞻彼萬玉攢襲予衆
芳粲翁詩昔嘗誦硬語起衰候於畫趣頗殊入口味頓換
淵乎意莫測老矣色猶悍畫固蘇鄭隣詩亦乾嘉冠所南
傷子遺和仲困流竄惟翁際休明不作焦尾爨坦步陟卿
貳安坐泯憂患晚計甘郊扉此生真自斷吾匪私鄉人天

實厚此漢

厲樊榭宋詩紀事手稿今歸疑庵藏室以余爲樊榭

鄉人索詩志喜

吾家繡谷亭山民往來數跡同符藥趙谷林親交並紀羣

慤流傳雜事詩宋艷互揚權風流百年歌吟夢難捉搦藏
書落我手孤本詫全璞評跋紛丹鉛影寫付雕琢奇遘天
私君祕笈重山嶽惠然肯來儀潛采見鸞鸞毋嗟賦命薄
此福誰與角卷懷伴巖棲看雲還媚學

題映庵華山紀遊圖卷

君從華山來衣染華山碧峭潼鞏洛一千里席卷風沙收

咫尺歸裝攜句已驚人閉戶移山真動魄三峯峩嶷莫與
京躡屐遠過青柯坪千尋鐵索繫微命探喉問天天失聲
君嘗臨深懼水厄置身高處心轉輕前身或是王安道驅
使雲烟作詩料如船之藕在何許玉女明星相向笑我無
畫訣無詩才勝情雖有筋力摧登樓蹙蹙愁脚軟更敢飛
步凌崔嵬還君此圖心欲悔且拉希夷呼我輩巉巖崩劣
何時平蒼龍夢裏連天橫

追題銅官感舊圖爲亡友章曼仙作酬宿諾也

過去難攀雙白鶴銅官渚上杜陵詩祇今感舊思圖畫泥
滓雲霄彼一時



不

爲黃公渚題墨謔廬畫隱圖
伯時山中人畫隱百寮底日寫山莊圖世事慵不理神州
今陸沈萬態付談詭君無洗玉池但弄墨池水丹青及未
老塗抹聊自喜乾坤懸一匏謔浪寄十指松煤溢溪石麥
光鋪棐几意匠經營中林壑清且美寧須買山隱隱趣兀
在紙客嘲君勿嘖布鞵從此始

林子有詔盒填詞圖

風湍雲木山之幽蕭寥琴趣秋非秋獨謠抱膝者誰子得
毋草窗周與山村仇浮雲蔽日天門修夢華遽遽思昔遊
側身滄海不能去卻尋卅六松江鷗烟雨疏疏作還止愁

絕江南賀梅子綠榕丹荔更作第二圖好度新腔嚼宮徵

寄汪憬吾廣州

隔年吟事劇相關夢想浮來海上山
麴繭更煩園客送銖衣要攬葛仙還
無端隕葉驚涼吹賸與裁詩覓舊斑
極目雁飛難到處深居微尚獨蕭閒

白下羣賢九日集掃葉樓以龔野遺半畝園詩分韻

纏蘅為拈屋宇馳書索詩漫為賦此

閒居愛重九此日宜泛菊南來六經秋
寓賞在林麓今年適移居家具載連軸
筆牀與茶竈狼藉數間屋疏慵興易
敗甘作蝸牛縮山樓夢清涼縹緲極
吟目湖光蕩空翠江



影涵孤鷺昔遊思馬援戊辰九日偕馬雲亭同登此樓危檻凭幡腹寧知

在冶金未抵不才木驚颺戰纒黃敗錦散崖谷掃葉葉還

飛卻掃任翻覆坐念野遺翁商歌裂霜竹

次韻桂南屏九日粵秀山登高之作

凜秋懷抱若為開千里書傳秀句來
應有蠻花娛玉局料無詩案到烏臺
攜尊北郭追殘夢接軫南園仗儁才
莫恨滄波隔吟望眠鷗浴鷺兩悠哉

葆之用王石臞算老重經癸酉年句命賢郎東里鐫

為小印並足成一律寄索和章戲為短歌報之

重經癸酉非君專我生與君相後先緣坡獨見拂疏竹一

年以長應隨肩拜經庚子足餘事丁卯甲乙新成編君詩新

刊成彈丸脫手復遠賁押尾玉筋朱文鮮和詩人亦創嚴

格君王好老徵華顛來札云以示友人之再壬申後作書印

詒晉齋主曾親鑄申以晉齋有再壬印君宜選石細摹取三橋

瘳腕能攻堅長箋短札恣鈐用嘯樹雅識蒼髯仙更宜輟

此印遺我較王與君尤確然王生甲子君生壬申易仇池石

豈須畫乞王略帖惟據舷老非務得破孔戒留此佳證休

疑年君曾三續癸酉第二立春用進退格寄懷汪憬吾桂南屏

二老清嶼映二樵渡江雲接嶺雲高微聞南雪猶巢樹廣



不

雪州見稍喜東風欲破條魏禪世寧忘漢臘孟寒天許敵韓

豪近來詩味嫌酸澀蔗尾甘回意也消

憬吾以癸酉君子箋百幅見寄賦謝

百幅澄心次道遺可無增赧宛陵詩角花底用求怡府惡

札從人請少師濡染六朝烟水氣網繆千里暮雲思古懽

還憶聽邠館歲歲裁箋揚斷碑

羊日借陶遺定之遊古猗園漫成三絕句甲戌

鄰鄰淺渚不藏鷗坐想風荷七月秋消盡兵塵供茗話廢

池喬木且勾留

庭角寒香孕醜枝迢然一老耐人思辛園會得檀園趣可

兼葭里館詩 卷四 三十三

許蜂脾蝶眼知定之近自

照影難忘是酒紅四年一醉墊巾風茲來徑問東橋竹欠

訪槎南八十翁已已冬過勝之槎南草堂留飲至醉遂阻園遊

贈林放庵

春山笑壓爭花開討春人更先花來水邊雪後拓清景一
尊紅映千玫瑰翁真嗜此若性命雅尚祇合胎仙陪持將
風格擬巢許人間富貴空崔巍迂癡興到競爲壽盈斗撥
墨如傾醅蒼髯落落縞衣立髣髴雪徑籃輿回今年春早
梅亦早超山鄧尉香成堆期翁火速覓詩去莫待東風盡
意吹



甲戌上巳修禊後湖未與會分韻得勢字寄謝纓蕩

老畏春寒無所詣龜縮蠶眠自成世開緘惘惘負佳招水
驛山程望迢遰玄武城陰一片水十載憑襟結深契櫻桃
萬樹荷萬柄往往花時來鼓枻流盃闕賦曲阿詩濫觴頗
憶南都禊冠裾今日盛江左故事重修踵前例已看振鷺
競風標更捉閒鷗煩急遞石翁八十神轉王電掣星馳真
猛銳談能驚座不辭倦啖亦兼人惟擇細定有奇句凌五
洲墨雨歐風助聲勢坐中主客並英妙肯讓秋霜獨含睇
郵筒絡繹走曹倉仙露明珠紛墮砌豈無神州陸沉歎暫
被清愁制危涕秉簡士女祝年年且莫風詩刪鄭衛

葆之遠惠石印兼損佳篇因以詩謝

一片燈光落眼前石矐翁語石如鐫

篆文刀法絕似完白山人出賢郎東里世

兄妙腕也

故人厚我能捐愛惡札憑渠也助妍長日摩抄疑舊

物治春酬唱憶當年平生刻畫綢繆意不少瓊瑤遜此堅

為衆異題一簾淞雨聽吳謳畫卷

堆眼官書一欠伸無能有味最堪珍平生厭聽瀟瀟雨迸

入清歌便可人

將詩計夢畫尋詩一翦淞波百可思今日移家就蝦菜料

應風味似年時

陳玉方侍御手寫唐人詩卷子

智過於師始得門直從魯國溯真源世人但喫桃花飯目
論雌黃可是冤

嶽嶽神羊凜似秋會心何在在詩囚攜冰避俗成孤往撐

出清溪一葉舟

睇嚮齋授經圖為陳甘縠題

黃巾今亦無鄭鄉付塗炭楹書逮喬木併作萬竈爨坑焚

究何為祇益陸沉歎夢中睇嚮齋卅載一悽惋室毀風木

摧未覺劫塵換堂上坐昂藏案側侍童叩清聲瀉瓶水醴

味溢燈幔遽遽忽驚起窗外春禽喚此身果何世此境良

非幻遺經且堅守長夜終及旦會當見承平斬棘置亭館

呼兒讀殘書勿嫌朝報爛

壽夏映庵六十

風儀倍勝十年初供養煙雲話豈虛種樹一坵香不斷熟
梅五月句何如坐爭洛社溫公席筆記山陰務觀書商略
畫圖歌扇底康橋居是相城居

秋庭晨課圖爲汪季新題

扶鹿尙書閱幼孤荷戈太史念生劬寒燈夜紡爭題品如
此丹青不可無
世事如翻鏃上餅浮名祇掬鏡中花要傳歷劫難消意一
卷亡詩補白華

十齡亦廢蓼莪篇三徙依依志學年不待披圖辨花樹已
教擎淚夢重泉

題朱象甫海天夢月圖

銀蟾墮海呼不起一碧沈沈浪花死愁紅悴綠春復秋費
盡鸞腸書鳳紙梨雲匝帳虬珠殷夢中環佩來珊珊玳梁
月色耿長照照見額黃何處山畫圖省識麟洲路聚窟名
香倘相遇玉局試叩靈芝宮海水天風莫驚寤

張雲裳女士鄧尉探梅圖爲衆異題

風流想見道光初索笑傳箋讀畫餘開卷便令驚欲倒三
松堂上擘窠書

中丞遺愛徧吳中餘事滄浪理釣筒卻爲梅花動詩興十年香雪夢穹窿

卷中有陸林丞題句

湯定之爲寫蒹葭里館圖戲題兩絕句

射鴨撈蝦志已荒萬錢何處買滄浪畫中風月真無價十里蘆花一草堂

酷吏炎威蘊正隆調冰雪藕計都窮人間遂少清涼境乞我西溪一櫂風

高梧軒圖爲趙叔雍題二首

眼中突兀見此屋換我西湖十頃秋自寫新詞上危綠裁雲縫月不關愁

風流髣髴一梧軒重認山樵舊墨痕三十六鷗閒自放莫拋蠻榼臥霜根

甲戌九日豁蒙樓有登高之會纒蘅代拈抱字韻短吟奉寄

一樓擇勝非草草西詫抹坤東插吳憶管携客就煎茶坐睨瞿曇無所禱三年轉徙裂風景又失秋期過剝棗側聆藉野敞高宴亦覺江山要文藻祗愁飛蓋塞山門驚散鐘魚被僧惱我生蒙蔽幾曾豁翻笑南皮冰在抱當時佳詠滿金陵不解溪山有何好蓄疑卅載今始悟名士達官輸此老茲樓無恙朔已改猶有秋光耐吟討請君放膽作詩

豪如我嘯嘯應壓倒
飲虹彩填詞圖爲盧冀野題
四夢歌殘玉茗秋稗畦老作雪溪遊紅顏顧曲春風裏讓
汝詞場出一頭
眼花落井尋常事未要人推倒玉山意氣公然籠一世曉
風柳岸踏歌還
三峽詞源注海長酒腸寬更過詩腸江東帝號銷沈久莫
被人呼秀野堂
一簇山光晚更妍西江吸盡意迢然重煩八米無雙筆徧
寫桃花十樣箋

陳協子有朝雲之戚緘詩寄慰
秋池紅葉正紛紛彈指年光易夕曛同老未教留絡秀棲
禪竟與葬朝雲授餐舊館悽殘客減帶生衣憶使君三載
溯迴天水濶雁聲愁斷更堪聞

偕隱圖爲邵翼如張默君題二首

路轉碧溪灣松篁盡日閒風亭元寂寂林鳥忽關關潭影
成雙照巖香得共攀已拌痼泉石休詆建康山
江館夢同温全家住鹿門秋租足菱芡春牧散雞豚競賭
繙書茗頻開讀畫尊笑他武陵客侈說避秦村

題滄瀛重泛圖

天海一色涵青蒼中有萬里之飛航岸巾坐者神揚揚似
聞擊楫歌慨慷支機石壓婦人裝來自織女牽牛旁遊情
汗漫不可量更欲鑿空窮遐荒西謁戴勝東扶桑載詩挾
畫襲以囊攫取亦要蛟龍防搶榆弱羽真自傷坐視巨翼
凌風翔扶搖此願何時償

夢仙圖詩爲雙于道人作乙亥

道場山頭雲不歸鶴蝨夜墮松風微老仙歷劫破詩械鐵
笛罷弄知音稀偶然夢入青四圍林巖巖腹香霏霏前身
摩詰果如是却認舊衲雲山衣平生不蠟謝公屐我懶與
君心不違獨無好夢到壺嶠讓汝臥遊朝玉扉當年貞愍

舊吟侶記偕一鶴青田飛題詩留畫付陳跡羣真抗手迎
驂駢君傳祖硯抱仙骨以夢證因仙可幾癡人滿前莫浪
說遽遽或訝莊周非

答許疑庵

爲分嵐翠上塵裾札寄風樵雪釣餘江路漸開梅到杏濠
梁終笑我非魚憂天倚杵寧忘世求友同林一起予甚欲
尋詩山水窟巖塘煩訊舊家居

曉至南京作

拉伴嬉春趣夜行奔車逐夢到江城慵來粧笑山如舊決
去心知歲屢更退筆已銷龍虎氣閒蹤猶記鷺鷗名絲絲

天海一色涵青蒼中有萬里之飛航岸巾坐者神揚揚似
聞擊楫歌慨慷支機石壓婦人裝來自織女牽牛旁遊情
汗漫不可量更欲鑿空窮遐荒西謁戴勝東扶桑載詩挾
畫襲以囊攫取亦要蛟龍防搶榆弱羽真自傷坐視巨翼
凌風翔扶搖此願何時償

夢仙圖詩爲雙于道人作乙亥首

道場山頭雲不歸鶴蝨夜墮松風微老仙歷劫破詩械鐵
笛罷弄知音稀偶然夢入青四圍林巖巖腹香霏霏前身
摩詰果如是却認舊衲雲山衣平生不蠟謝公屐我懶與
君心不違獨無好夢到壺嶠讓汝臥遊朝玉扉當年貞愍



不

舊吟侶記偕一鶴青田飛題詩留畫付陳跡羣真抗手迎
駢駢君傳祖硯抱仙骨以夢證因仙可幾癡人滿前莫浪
說遽遽或訝莊周非
爲分嵐翠上塵裾札寄風樵雪釣餘江路漸開梅到杏濠
梁終笑我非魚憂天倚杵寧忘世求友同林一起予甚欲
尋詩山水窟巖塘煩訊舊家居

曉至南京作

拉伴嬉春趣夜行奔車逐夢到江城慵來粧笑山如舊決
去心知歲屢更退筆已銷龍虎氣閒蹤猶記鷺鷗名絲絲

畏見秦淮柳蘸盡柔波管送迎
乙亥上巳禊集益山精舍分韻得盛字
雉堞抱山山抱鏡一碧潭潭龍氣橫築樓高度十萬籤下有
虛堂足觴詠往尋薛廬轟一醉三十二年遊懶更茲辰
解禊恰選幽得溫舊夢豈俟請况叨地主飲文字未要流
杯已中聖山光仰睇俯鑒影嚮午林陰日端正朱顏素髮
恣談談散幘峩冠兀相映蠻語且勿吟媿隅險韻無妨拈
競病宛陵論詩記晏相曰辭不高名不盛噓枯費春寧從
陶琢礫希寶不取孟近來風尙頗相左鄙夷閒適貴瘦硬
嗟予思致落凡猥林水只悅魚鳥性當前勅敵莫敢侮似

此孱羸宜乞命重愁羽檄日夜馳卷甲銜枚從號令

拔可遊黃山回盛稱雲峯松石之美適其六十初度

賦此爲贈

作詩如治獄老吏在能斷遊山如讀畫不厭反覆看吏才
君夙長畫理亦淹貫遂極詩雄恢復騁遊汗漫目空兩宋
後足涉九洲半昨攜黃山雲私作几席玩絕險得奇句持
歸詫慵候吾齋強名屐欲著愁喘汗誦詩已舌撝况敢結
遊伴納交垂卅年世刼驚屢換卓此貞松姿蒼然竦修幹
勝情濟有具胝繭兩無憚真使嵇生慚據梧聊自竄寧堪
理飛鞚漫與弄柔翰此事並輸君長筵資一粲

題晚翠軒遺墨卷子

六月南荷泡

去聲

平生盡此觴

戊戌

於南

荷泡

酒半

君借

語

霞

霞

霞

霞

霞

又終何補彌天遂永藏未須論殄瘁吾自痛人亡

詩是君能事堂堂晚翠軒遺珠搜不盡墜羽緝猶存異代

餘膠漆零香護芷蓀劇憐飛動意詞翰與招魂

陳藍洲丈遺畫為叔通題

一尺溪藤如截玉牽引鄉心到梅屋靈峯河渚萬枝橫雪

徑措筇縱吟目坐憶承平退隱年筆牀茶竈望如仙梅花

不與滄桑事髯也風流繼老泉

輓胡展堂

峻極三峯削淵乎百谷王世寧無毀譽吾自服清剛疊璧

誰爭富書裙劇擅場未應論出處餘事亦堂堂

道以文能合交緣懶遂疏不成蟲墻戶長愧雁沈書近覩

浮山作因思春雨餘從來謝太傅丘壑意何如

憶昔陪清賞詩筒嚮曉傳雙魚頻送日一鶴竟寥天渡海

尊重啓還吳榻想懸誰知門館隔灑涕到沈泉

東坡生日青溪社集分均得無字是日大雪

文字精靈自响濡半山老去愛髯蘇十惇百卞空相厄紹

聖熙寧世已無江遠浮天還此地夜深說鬼到吾徒人間

蕉荔紛如雪玉宇高寒試一呼

太外舅彭文敬公手書贈祁文端詩卷爲雲伯內姪

題

衣冠清節話堯年歸穎都無二頃田管蔡漸聞干政急富
文誰喻退耕賢金甌易缺塵揚海青史難言墨化烟四十
九年甥館夢獲窺風度到遺篇

題山塘秋禊圖爲邵潭秋作

金管銀燈晚更移十年一舸夢能追崢泓秋色猶相向迤

邇春心欲付誰爲寫荒寒來蜀客

謂張大千

賴傳娉好得閩詩

亦思重揀霜林看踏葉同尋短簿祠

寥士過訪金陵別後有詩寄贈卻答丁丑

瑟瑟涼波接海門蘭襟萸佩想清敦已過雁候還傳訊未
及花時欠倒尊空谷登音聊自喜剡源餘韻賴能存高吟
雅有承平態帶甲中原且莫喧

爲衆異題先德芷隣中丞詩牘遺墨

宦迹淹吳會邊籌老桂林綢繆關治譜憂患託孤吟喬木
寒無改神州陸竟沉不隨塵蠹盡尺翰抵籛金
直北軍聲急維南放士多百年懷祖德一夢付槃阿未信
黃農遠渾忘魏晉過楹書共珍護寒具莫輕搓

輓石遺

青芝攜酒夢猶縈笠澤浮家歲幾更詩教九流元自廣食
單方丈不嫌精蓋棺早定藏山業透網真成縱壑行料爲
世紛仿佛慧礮車愁望海雲生
寒中 中秋夕聞散原謝世之訊感逝哀時愴然有作
亭館霜懸憶昔遊驚聞隣笛又逢秋卅年蹤跡兼疏密百
戰河山有去留曠世高文應不朽並時清譽信無儔平生
幽抱差相喻淚迸寒江繞石頭

重九前一日作

風雨江城怨索離秋園雜佩漫相貽老懷端爲觀碁盡幽
謎寧容射覆知湘浦騷魂招不返晉陽兵氣望猶疑銘功

鑄錯須惇史孤睨微吟斷幾髭

晨望

小園晨望致澄鮮榮落喧涼豈問天冬日呢人無夏酷秋
花得氣比春妍太平心每持方寸據亂書從累後賢劫罅
光陰閒裏過老夫身手異當年

焦原

焦原側足重踟躕雨屋帷燈話嶮嶇三月忍判崑玉燼一
塵終見海桑枯妖由滌降真傾國禍召鯨喙竟沼吳狂藥
競嘗逾十稔幸饒瞑眩及迂儒

家傳

江都陳懋森撰

君姓吳氏諱用威字董卿履齋吳山其別號也先世居徽州歙縣嚴塘為冠冕右族明萬歷間以業饑來杭州因占籍仁和仁和今與錢塘合併為杭縣君遂為杭縣人曾祖諱誠祖諱蕊元竝工文章尚氣節先後官江蘇以儒吏稱考諱世熊歷任江蘇淮揚徐海兵備道遷江西督糧道嘗署江甯布政使江西按察使整躬率下勤求民隱觀察徐州時髮捻初平伏莽未靖大府主用重典公意在撫循忤大府意奏請特調督儲江西生子三君其季也妣氏丁生

妣氏陳君生十歲而孤陳太夫人教子有禮法君雖幼立志嚮學光緒己丑年十七補諸生越二年辛卯舉於鄉三應禮部試未售乃入資以知縣分發山東因陳太夫人年老乞近地改官江蘇歷充要差時新政繁興一切倚甯蘇兩藩庫漸不能供丙午溇陽端公督兩江因設財政局於江甯器君開敏俾主案牘戊申委署興化縣事明年春丁陳太夫人憂去官嗣充津浦鐵路南段總局總文案路成敘功以直隸州知州用改國後初任財政部祕書出爲西岸鄂岸權運局長河東鹽運使調任福建入都爲財政部暨鹽務署參事運銷廳廳長國務院祕書政府南遷歸休

者數年復出就考試院編纂行政院參議鐵道部機要祕書丁丑冬軍事亟各院部將遷蜀君謝歸明年春維新政府建立長樂梁公任行政院長與君雅故以祕書長屬君越二年庚辰國民政府還都金陵梁公轉長監察院君隨往未幾特任君爲監察使仍兼長祕書此其歷官之大略也君少流寓揚州有奇童之目年十二三能爲詩傳誦之句長老驚異未冠登賢書貌清臞衣服修潔翩翩濁世望而知爲佳公子也方筮仕江蘇初年未三十以清才屈居州縣溷風塵中人或爲君惜而君則夷然其後數十年間服官中外或暫引退所處之境時豐時嗇時晦時顯而君

妣氏陳君生十歲而孤陳太夫人教子有禮法君雖幼立志嚮學光緒己丑年十七補諸生越二年辛卯舉於鄉三應禮部試未售乃入資以知縣分發山東因陳太夫人年老乞近地改官江蘇歷充要差時新政繁興一切倚甯蘇兩藩庫漸不能供丙午溇陽端公督兩江因設財政局於江甯器君開敏俾主案牘戊申委署興化縣事明年春丁陳太夫人憂去官嗣充津浦鐵路南段總局總文案路成敘功以直隸州知州用改國後初任財政部祕書出爲西岸鄂岸樞運局長河東鹽運使調任福建入都爲財政部暨鹽務署參事運銷廳廳長國務院祕書政府南遷歸休

者數年復出就考試院編纂行政院參議鐵道部機要祕書丁丑冬軍事亟各院部將遷蜀君謝歸明年春維新政府建立長樂梁公任行政院長與君雅故以祕書長屬君越二年庚辰國民政府還都金陵梁公轉長監察院君隨往未幾特任君爲監察使仍兼長祕書此其歷官之大略也君少流寓揚州有奇童之目年十二三能爲詩傳誦之句長老驚異未冠登賢書貌清臞衣服修潔翩翩濁世望而知爲佳公子也方筮仕江蘇初年未三十以清才屈居州縣溷風塵中人或爲君惜而君則夷然其後數十年間服官中外或暫引退所處之境時豐時嗇時晦時顯而君

持一節未嘗少有變更當有清之季海內名士慕與君交
自王湘綺陳散原以下凡數十人滄桑幾易諸老風流消
歇已盡其與同輩行者亦以四方多故衰謝早催落落知
交晨星可數東南壇坫於是推君祭酒以君於羣從兄弟
中次居十從秦七黃九之例無間疏戚遠近莫不稱君爲
吳十云君平生恥言政績其宰興化也縣居水鄉歲常苦
潦多逋賦而民俗好訟君勞心折獄亦不廢催科不數月
頌聲大興其都轉河東及福建也承鹽法凋敝之後引闕
而課絀君整理有方漸復其舊皆以未久而去時論惜之
晚而出佐梁公總機務時南都新破創殘滿目梁公冒艱

險折衝尊俎俾國體不失而劫後遺黎得少蘇息君贊畫
左右亦與有勞然非君所樂道也少工書酷似香光中歲
以後人書俱老兼有蒼逸之致好讀書瀏覽羣籍不專一
家而能會其通著有兼葭館里詩集四卷君於庚辰秋得
疾就醫滬上以辛巳正月卒享年六十有九初娶彭夫人
長洲相國文敬公孫女繼娶冒夫人如皋鶴亭京卿廣生
之妹子二本鉞本鏐本鏐賢而蚤世本鉞以幹濟稱克承
家世今爲淮南鹽務管理局長女一適吳興丁毓嵩俱彭
夫人出孫四人孫女五人

論曰余初因閱君葆之方君地山澤山兄弟識君時年俱

兼葭里館詩集勘誤表

甲申四月

卷次	頁行	正文	誤	頁行	正文	誤	頁行	正文	誤	頁行	正文	誤
卷一	一七	慎詒	詒慎	二四四	閒	閑	三七八	里	重	三七八	里	重
卷一	一八	銀鱸	鱸魚	二四八	蟋蟀	蟀蟋	三八三	閒	閑	三八三	閒	閑
卷一	一七	寒	寒	二四〇	材	才	四〇五	育	盲	四〇五	育	盲
卷一	六三	上	下	二五一	塵	塵	四〇五	羿	弈	四〇五	羿	弈
卷一	一〇二〇	庾	瘦	二五三	寶	寶	四一五	里	重	四一五	里	重
卷一	一二九	事	似	二六一九	還	還	四一六	鴉	梟	四一六	鴉	梟
卷一	一九四	衡	衝	三二四	鵲	鵲	四二二	嚴	嚴	四二二	嚴	嚴
卷一	一九五	從	成	三三一	作	來	四二二	襦	襦	四二二	襦	襦
卷一	一九一五	果何	何果	三三七	賓	賓	四三三	鬢	鬢	四三三	鬢	鬢
卷一	二〇五	綱	網	三五六	雨	雨	四三一	斫	斫	四三一	斫	斫
卷一	二一八	巍峩	峩峩	三五九	毋	毋	四四七	斫	斫	四四七	斫	斫
卷一	二二〇	自	白	三六三	至	自	四四七	斫	斫	四四七	斫	斫
卷二	二二	滕	滕	九一九	峯迴	峯回	一七八	蓉	容	一七八	蓉	容
卷二	三一〇	祠	詞	一一三	談	淡	一八三	嚴	嚴	一八三	嚴	嚴
卷二	四一四	鬢	風鬢	二二七	巖	巖	二〇八	謬	謬	二〇八	謬	謬
卷二	五一五	迴	回	一三八	汲	沒	二二〇	烏	烏	二二〇	烏	烏
卷二	六六	易州句下缺	令弟仲萊	一五四	鷗	歐	二三四	題下無	丁未	二三四	題下無	丁未
卷二	六六	時鎮泰甯	八字	一五七	坐	座	二四一	來	菜	二四一	來	菜

朽盡句下缺
文章後世誰復
知負此昂藏毋
乃誤——兩句

謬誤謬謬

題下無——丁未
——二字

兼葭里館詩集勘誤表二

甲申四月

家傳	卷四																卷三		
二一六	二〇四	二〇一	一九一七	一九一二	一九八	一八五	一六一二	一一五	一〇八	九八七	八五二	一七二〇	一六一九	二二三	二二三	九八	七九	五一八	三三四
耻	字	技	梅花	擗	穎	杯	呿	凌	凌	鍾	有	蹤	蟲沙	聃	搏	逐	北南 垞垞	稻梁	陞
恥	字	枝	梅華	擗	穎	杯	咄	凌	凌	鐘	作	縱	沙蟲	聃	搏	遂	垞南 垞北	稻梁	陞
三四四	三四一〇	三一四	三〇一八	二八二五	二七九	二六二	二六一〇	二四九	二四八	二二八	二一七	二七二	二五五	二五一	二四三	二三七	二一五	二〇三	一八八
里館	蘭	指	為章曼下 仙字	權	凌	毛	為衆異作	堯	謂	纒	烏	忘	煦	鱗	暗室	拏	壘	擘	獨
館里	簡	詣	字	擢	凌	皮	堯	請	孃	孃	烏	妄	煦	麟	暗空	拏	壘	擘	燭
	三四八	四二六	四一七	四一六	四〇一八	三八三	三八二	三八八	三八六	三八三	三六三	四〇三	三八二	三七一五	三六一四	三三一七	三二一七	三一〇	二九六
	沼	宦	邵潭 秋作	館	心	欲	慨慷	館	寂寂	館	圖	祿	翹	臾	卅	慥	行	遺	紛
	沿	官	邵潭 秋	館	下	期	慨慷	館	寂寂	館	圓	祿	鞠	瘦	州	造	成	遺	粉